

四庫全書

史部

欽定四庫全書

大事記續編卷十九

明 王禕 撰

漢孝靈皇帝中平六年二月皇甫嵩大破王國於陳倉

以本紀脩

徵董卓為少府不就以為并州牧復不從皇甫嵩

從子酈說嵩誅卓不能用

以袁宏漢紀脩

三月劉虞斬張純

以本

紀脩

夏四月丙午朔日有食之

本紀通鑑

拜劉虞為太尉

以本紀脩

丙辰帝崩於南宮嘉德殿戊午皇子辯即皇帝位

解題曰何皇后生皇子辯王貴人生皇子協群臣請

立太子帝以辯輕佻無威儀不可為人主然皇后有寵且進又居重權故久不決六年帝疾篤屬協於蹇碩猶唐宣宗之屬變王於王歸長也烏有不召亂者哉

尊皇后曰皇太后臨朝改元光熹封弟協為勃海王

以本

紀脩

後將軍袁隗為太傅與大將軍何進參錄尚書事庚

午蹇碩伏誅

以列傳脩

五月遷孝仁皇后於河間辛巳董重

自殺六月辛亥后暴崩

以本紀脩

辛酉葬孝靈皇帝於文陵

以本紀脩

秋七月徙勃海王協為陳留王

本紀

袁紹說何進召

外兵主簿陳琳諫不聽乃召董卓侍御史鄭泰尚書盧植諫不從以紹為司隸校尉從事中郎王允為河南尹八月戊辰中常侍張讓等殺進於嘉德殿前虎賁中郎將袁術燒南宮九龍門

解題曰袁紹說何進曰前竇武欲誅內寵而反為所害者但坐言語漏泄五營兵士皆畏服中人故也今將軍既有元舅之重而兄弟並領禁兵部曲將吏皆

英俊名士樂盡力命事在掌握此天贊之時也將軍
宜為天下除患名垂後世雖周之申伯何足道哉今
大行在前殿將軍宜受詔領禁兵不宜輕出入宮省
進甚然之遂與紹定籌策而以其計白太后太后不
聽曰中官統領禁省自古及今漢家故事不可廢也
且先帝新棄天下我奈何楚楚與士人共對事乎進
難違太后意且欲誅其放縱者紹以為中官親近至
尊出入號令今不悉發後必為患而太后母舞陽君

及何苗數受諸宦官賂遺知進欲誅之數白太后為其障蔽又言大將軍專殺左右擅權以弱社稷太后疑以為然中官膠固內外進新當重任素敬憚之雖外收大名而內不能斷故事久不決紹等又為畫策多召四方猛將及諸豪傑使並引兵向京城以脅太后進然之主簿陳琳入諫遂西召前將軍董卓屯上林苑又使府掾太山王匡東發其郡强弩并召東郡太守橋瑁屯成臯使武猛都尉丁原燒孟津皆以誅

宦官為言

續漢書曰進欲誅趙忠等乃詐令武猛都尉丁原放兵數千人為賊於河內稱黑山

伯上事以誅忠等為辭燒平陰河津人舍以怖動太后

太后猶不從進第苗曰

始共從南陽來俱以貧賤依省內以致貴富國家之事亦何容易覆水不可收宜深思之紹懼進變計脅之進於是以紹為司隸校尉假節專命擊斷從事中郎王允為河南尹促董卓等使馳驛上奏欲進兵平樂觀太后乃恐悉罷中常侍小黃門使還里舍惟留進素所私人以守省中諸常侍小黃門皆詣進謝罪惟

所措置進謂曰天下匈匈正患諸君耳今董卓垂至

諸君何不早各就國袁紹勸進便於此決之至於再

三進不許

三國志袁紹傳又令紹從弟虎賁中郎將
衛遜溫厚虎賁二百人當入禁中代持兵

黃門陞
守門戶

紹又為書告諸州郡詐宣進意使捕案中官

親屬進謀積日頗泄中官懼而思變張讓子婦太后

之妹也讓向子婦叩頭曰老臣得罪當與新婦俱歸

私門今當遠離宮殿願復一入直暫望太后陛下顏

色然後退就溝壑子婦言於舞陽君入白太后乃詔

諸常侍皆復入直八月進入長樂白太后請盡誅諸
常侍以下選三署郎入守宦官廬諸宦官相謂曰大
將軍稱疾不臨喪不送葬今倏入省此意何為竇氏
事竟復起邪又張讓等使人潛聽具聞其語乃率常侍
段珪畢嵐等數十人持兵竊自側閤入伏省中及進
出因詐以太后詔召進入坐省闥讓等語進曰天下
憤憤亦非獨我曹罪也先帝嘗與太后不快幾至成
敗

李賢曰陳留王協母王美人何后鴆殺之帝怒欲廢后宦官固請得止

我曹涕泣救

解各出家財千萬為禮和悅上意但欲託卿門戶耳
今乃欲滅我曹種族不亦太甚乎卿言省內穢濁公
卿以下忠清者為誰於是上方監渠穆拔劍斬進於
嘉德殿前餘見通鑑

已已讓等以帝及陳留王幸北宮紹閉北宮門誅宦者
二千餘人

解題曰蘇軾曰國之有小人猶人之有癭人之癭必
生於頸而附於咽是以不可去有賤丈夫者不勝其

忿而決去之夫是以去疾而得死漢之亡唐之滅由
此故也自桓靈權歸內署當時議者以為天下之患
獨在宦官宦官去則天下無事然竇武何進擊之不
勝止於身死袁紹擊之而勝漢遂以亡唐之衰也其
迹亦大類此自輔國元振之後天子之廢立聽於宦
官當時士大夫之論亦惟宦官之為去然而李訓鄭
注擊之不勝止於身死崔昌遐擊之而勝唐亦以亡
方其未去是纍然者癭而已矣及其既去則潰裂四

出而繼之以死何者此侵君之權而不可居之功也
故其成則為袁為崔敗則為何竇為訓注然則忠臣
義士亦奚取於此哉事見通鑑

庚午讓等以帝及陳留王走小平津

解題曰李賢曰小平津在今鞏縣西北

尚書盧植追讓斬之餘投河而死辛未帝還宮卓至改
元昭寧使執金吾丁原司馬呂布殺原自為司空

解題曰事見通鑑朱熹曰權臣擅命例多書以某人

為某王某公范曄書曹操自立為魏公故用此例

紹奔冀州九月甲戌卓廢帝為弘農王奉陳留王即皇帝位遷太后於永安宮

解題曰李賢曰洛陽宮殿名永安宮周迴六百九十八丈故基在洛陽故城中

改元永漢丙子弑皇太后初令侍中給事黃門侍郎員各六人

解題曰續漢志侍中無員漢官儀侍中左蟬右貂本

秦丞相史往來殿內故謂之侍中分掌乘輿服物下
至褻器虎子之屬東京屬少府亦無員駕出則一人
負傳國璽操斬蛇劍乘輿中官俱止禁中又曰給事
黃門無員掌侍從左右給事中使關通中外輿服志
曰禁中曰黃闔以中人主之故號曰黃門令獻帝起
居注自誅黃門後侍中侍郎出入禁中機事頗露王
允乃奏侍中黃門不得出入不通賓客自此始也

賜公卿以下至黃門侍郎家一人為郎以補宦者所領

署

解題曰李賢曰靈帝建元四年改平准為中准使宦
者為令自是諸內署令丞悉以閹人為之今士人代
領之

乙酉以劉虞為大司馬封襄賁侯

解題曰大司馬與太尉並置始於此事見通鑑

卓自為太尉領前將軍丙戌以大中大夫楊彪為司空
甲午以豫州牧黃琬為司徒卓上書追理陳蕃竇武及

黨人復其爵位

以紀傳皇極經世脩

自六月雨至於是月

本冬於

扶羅居平陽湏卜立一年死南庭遂虛

以列傳袁宏漢紀脩

解題曰此所以胎劉淵之禍也事見通鑑

十一月董卓自為相國加殊禮

以紀傳脩

尚書周處城門校

尉伍瓊說董卓用名士乃徵荀爽韓融陳紀申屠蟠等

蟠不至

解題曰朱熹曰荀淑能譏刺梁氏而爽已不敢忤董

卓至或遂為唐衡之壻曹操之役事見通鑑

十二月黃琬為太尉楊彪為司徒光祿勳荀爽為司空

以列傳脩

除光熹昭寧永漢三號

以本紀脩

解題曰宋庠紀年通譜禮國君即位必踰年然後改元杜預以謂繼父之志者不忍有變於中年也今追去三號復為中平蓋悟前失而歸正禮

以袁紹為勃海太守袁術為後將軍典軍校尉曹操為

驃騎校尉術奔南陽操奔陳留

以呂祖謙標目脩

解題曰鄭泰等與侍中伍瓊卓長史何顥共說卓以

袁紹為勃海太守以發山東之謀及義兵起卓乃會
公卿議大發卒討之羣僚莫敢忤旨泰恐其衆多溢
橫凶狂難制獨曰夫政在德不在衆也卓不悅曰如
卿此言兵為無用耶泰懼乃詭詞更對曰非謂無用
以為山東不足加大兵耳今山東合謀非不强盛然
光武以來中國無警百姓優逸忘戰日久其衆雖多
不能為害一也明公出自西州少為國將數踐戰場
名振當世二也袁本初公卿子弟生處京師張孟子

卓東平長者坐不窺堂孔公緒清談高論噓枯吹生
並無軍旅之才三也山東之士素乏精悍四也尊卑
無序王爵不如若恃衆怙力將各碁峙以觀成敗不
肯同心共膽與齊進退五也關西諸郡頗習兵事頃
與羌戰婦人猶載戟操矛挾弓負矢況其壯勇之士
以當妄戰之人乎六也且百姓所畏者匈奴屠各湟
中義從西羌八種而明公擁之為爪牙譬驅虎兇以
赴犬羊七也明公將帥皆中表腹心周旋日久以膠

固之衆當解合之勢猶以烈風掃彼枯葉八也夫戰
有三亡以亂攻理者亡以邪攻正者亡以逆攻順者
亡今明公以此三德待彼三亡誰敢禦之九也東州
鄭玄學該古今北海邴原清高直亮皆儒生所仰羣
士楷式諸將若詢其計足知彊弱彼豈讚成其謀哉
十也無事徵兵以驚天下使患役之民相聚為非棄
德恃衆自虧威重卓乃悅葉適曰鄭泰勸何進無召
董卓是也至於用袁術以發山東之謀使卓懼而西

遷則何其明於前而暗於後豈與紹素厚且以其世
冑所歸遂不悟其能為亂乎扶興者易為策救亡者
難為謀信矣

漢孝獻皇帝初平元年春正月關東州郡起兵討董卓
推袁紹為盟主紹自號車騎將軍板授諸將官號

以紀傳脩

董卓弑弘農王

本紀

董卓議大發兵討山東尚書鄭泰止

之

以呂祖謙
標目脩

董卓議徙都楊彪黃琬止之二月乙亥免

琬彪以太僕王允為司徒

紀傳

庚辰董卓殺城門校尉伍

瓊尚書周處

紀傳

徵蓋勲為議郎皇甫嵩屯扶風徵為城

門校尉

以列傳脩

解題曰李邁曰皇甫嵩朱雋平黃巾威震天下梁衍
說之而不肯從陶謙推之而不肯應聞命馳走就拘
朝廷其忠不可及矣或曰不有郭子儀乎曰子儀可
人也然唐室雖衰人心未去程魚雖巧言肅代猶出
命君命而違不反則叛矣此子儀之所憚也嵩雋則
不然卓犢之猖狂無獻帝矣因兵威乘衆欲以伐其

罪孰不曰宜彼以君命來遂不敢拒哀哉范曄評嵩雋以為舍格天之大業蹈匹夫之小諒卒狼狽虎口為智士笑夫曄鄙也宜乎其笑之矣事見通鑑

丁亥董卓劫帝遷都長安自屯畢圭苑

以本紀脩

三月乙巳

帝入長安

以本紀脩

巳酉董卓焚洛陽宮廟居室發諸陵

以本紀

傳脩

解題曰徙天子都長安焚燒洛陽宮室悉發掘陵墓

取寶物

續漢書大駕即西部兵燒洛陽城外西面百里又自將兵燒南北宮及宗廟府庫民家城內

掃地殄盡又收諸富室以罪惡沒
入其財物無辜而死者不可勝計
餘見通鑑

戊午董卓殺袁隗夷其族

以紀傳脩

曹操與董卓兵戰於滎

陽失利關東諸軍潰於酸棗

以列傳脩

夏四月劉虞為太傅

以列傳脩

五月荀爽薨

以本紀

六月遣大鴻臚韓融等五人安集

關東袁術等殺之免融

以本紀脩

壞五銖錢鑄小錢

以本紀脩

冬

左中郎將蔡邕議和帝以下不宜稱宗從之

以紀傳脩

解題曰按袁宏漢紀禮儀志建武初立宗廟於洛陽

祭祀而已不加名號光武崩以中興之主更為起廟

上尊號曰世祖元帝於光武為禰故雖非宗不毀也
明帝遺詔無起寢廟藏主於世祖廟更上尊號曰顯
宗章帝崩遺詔如先帝故事上尊號曰肅宗後帝遵
承皆藏主於世祖廟積多無別是後顯宗但為陵寢
之號和帝崩上尊號曰穆宗安帝崩因陵號恭宗順
帝崩上尊號曰敬宗桓帝崩上尊號曰威宗於是有
司奏議宗廟迭毀蔡邕議曰漢宗廟之制不用周禮
每帝即位輒立一廟不止於七不列昭穆不定迭毀

元帝時匡衡貢禹始請依典禮孝文孝武孝宣皆以
功德茂盛為宗不毀孝宣尊崇孝武廟稱世宗夏侯
勝等猶執異議至成帝議猶不定王舜劉歆據不可
毀上從其議光武中興廟稱世祖孝明廟稱顯宗孝
章廟稱肅宗皆方前世得禮之宜自此以嗣帝殷勤
各欲褒崇至親而已臣下懷弱莫能執夏侯之直元
帝世在第八光武世在第九故以元帝為考廟孝明
亦不敢毀孝和以下穆宗恭宗敬宗威宗之號皆宜

省去議遂施行

是歲孫堅殺荊州刺史王叡南陽太守張咨以北軍中

候劉表為荊州刺史表表袁術為南陽太守術表堅領

豫州刺史

以紀傳脩

以故冀州刺史公孫度為遼東太守度

自立為平州牧

以列傳脩

漢孝獻皇帝初平二年春正月帝居長安

以春秋修

解題曰程迴曰春秋書王在畿內曰居於狄泉在畿

外曰出居於鄭諸侯在境曰公在乾侯在境外曰居

于鄆晉史用春秋法書惠帝宜曰帝居於長安懷帝
宜曰帝出居於平陽乃援諸侯在他國例論大體則
是其考經未精者歟

關東諸將議立劉虞為帝虞拒之

以列傳脩

二月丁丑董卓

自為太師位諸侯王上

以紀傳脩

袁術遣孫堅與董卓將胡

軫戰於陽人大敗之又擊卓敗之遂入洛陽脩塞諸陵

夏四月卓入關

以紀傳脩

解題曰孫堅收合散卒進屯梁縣之陽人

李賢曰梁縣屬河南

郡今汝州縣也陽人聚故城在梁縣西

卓遣將胡軫

即胡文才也

呂布攻之

布與軫不相能軍中自驚恐堅追擊之軫布敗走卓

遣將李傕詣堅求和堅拒絕不受進軍大谷

李賢曰大谷在

故嵩陽西北三十五里北出對洛陽故城

距洛九十里卓自出與堅戰於

諸陵墓間卓敗走却屯陂池聚兵於陝堅進洛陽宣

陽城門更擊呂布布復破走堅乃埽除宗廟平塞諸

陵分兵出函谷關至新安陂池間以截卓後卓乃使

董越屯陂池段煨屯華陰牛輔屯安邑其餘布在諸

縣以禦山東卓乃引還長安餘見通鑑董卓之西還
畏孫堅之偏也使山東諸將人人如堅則滅卓安漢
特易為力耳柰何名為義兵自相矛盾堅未及還而
周昂已襲奪陽人使堅之志卒不克究天方禍漢固
宜人謀之乖哉

六月丙戌地震

本紀

秋七月袁紹脅冀州牧韓馥而代之

以廣平沮授為將軍鉅鹿田豐為別駕馥尋自殺

以魏書紀

傳脩

解題曰按袁宏漢紀紹謂授曰今賊臣作變朝廷遷移孤厯世受寵欲竭命致死以復漢室然桓公非夷吾不能成霸越王非范蠡無以存國今欲與君戮力同心共安社稷授曰將軍弱冠登朝播名海內值廢立之際則忠義憤發卓雖凶暴弗能加兵昔相如叱秦晏嬰哭莊方之將軍曷足以喻單騎出奔則卓懷怖懼濟河而北則勃海稽首擁一郡之卒撮冀州之衆威震河朔名重天下雖黃巾散亂黑山跋扈舉軍

東向則青州可定還討黑山則張燕可滅廻師北首
則劉虞必喪震脅戎狄則匈奴順從橫大河之北合
四州之地收英雄之用擁百萬之衆迎大駕於長安
復宗廟於洛邑號令天下以討未服以此爭鋒誰敢
禦之比及數年此功不難紹喜曰此孤之本心也餘
見通鑑

冀州部魏郡鉅鹿常山中山安平河間清河趙國勃海九郡國

袁紹表奮武將軍曹操為東郡太守

以魏書紀通鑑目錄脩

解題曰曹操始基之地如此

以前假司馬張揚為河內太守

以魏書傳脩

九月蚩尤旗見

本紀

冬十月壬戌董卓殺衛尉張溫

本紀

解題曰前溫屯美陽卓與邊章等戰無功溫召不肖
應命既到而辭對不遜時孫堅為溫參軍勸溫陳兵
斬之溫不從而猶懷忌恨故及於難溫少有名譽亦
陰與王允共謀誅卓事未及發而見害餘見通鑑
十一月青州黃巾起泰山太守應劭破之轉寇勃海公
孫瓚大破之於東光

解題曰李賢曰東光今滄州縣

瓚攻袁紹以宗室劉備為平原相

以紀傳脩

河南尹朱儁檄

州郡討董卓

以列傳脩

劉焉斷斜谷關

以列傳脩

解題曰北口曰斜南口曰褒在興元府褒城縣北五

十里自褒谷至鳳州界一百三十里始通斜谷唐大

中三年鄭涯以褒斜舊路脩阻奏開文川谷古道自

興元府抵扶風四百七十里涯謂減十驛孫樵以山

關險易遠邇折校謂愈於斜谷高祖送張良至褒中

諸葛亮出斜谷鍾會從斜谷伐蜀皆由此

處士管寧邴原王烈奔遼東

以列傳脩

曹操以潁川荀彧為

司馬

以列傳脩

漢孝獻皇帝初平三年春正月帝居長安

以春秋脩

孫堅襲

劉表敗之圍襄陽戰歿

以列傳脩

解題曰英雄記曰四年正月七日死通鑑載於往年

非也今從漢紀

董卓遣校尉李傕郭汜張濟賈詡擊關東牛輔屯陝

以列

傳袁宏
漢紀脩

袁紹擊公孫瓚於界橋大敗之

以本紀脩

解題曰李賢曰今貝州宗城縣東有古界城近枯漳

水則界橋在此也

夏四月辛巳王允等使中郎將呂布誅董卓夷其三族

王允錄尚書事以布為奮武將軍儀同三司共秉朝政

紀傳

遣使者張种慰撫關東

本紀

蔡邕下獄死

列傳

青州黃巾

殺兗州刺史劉岱濟北相鮑信迎曹操為兗州刺史操

大破黃巾

以魏志紀傳脩

解題曰兗州部陳留東郡東平任城泰山濟北山陽
濟陰八郡國

五月丁未以征西將軍皇甫嵩為車騎將軍

以本紀脩

賈詡說

李漡郭汜等圍長安六月戊午城陷太常种拂等死之
呂布出奔

解題曰允初議赦卓部曲呂布亦數勸之既而疑曰
此輩無罪從其主耳今若名為惡逆而特赦之適足
使其自疑非所以安之之道也

通鑑據雜傳記云呂布勸王允盡殺董卓

部曲允曰此輩無罪按呂布數勸允赦卓部曲允曰此輩無罪耳非勸允殺之而云然也今不取呂

布又欲以卓財物班賜公卿將校允又不從而素輕布以劍客遇之布亦負其功勞多自誇伐既失意望漸不相平允性剛稜疾惡初懼董卓故折節圖之卓既殲滅自謂無復患難及在際會每乏溫潤之色伏正持重不循權宜之計是以羣下不甚附之

王師古曰允圖董卓

由其謀深而死於催汜之手由其智淺觀其不聽呂布之言謂催汜為鼠子是不知蜂蠆有毒而蟻穴可隄也卓將校及在位者多涼州人允議罷其軍或說

允曰涼州人素憚袁氏畏關東今若一旦解兵開關
必人人自危可以皇甫義真為將軍就領其衆因使
留陝以安撫之而徐與關東通謀以觀其變允曰不
然關東舉義兵者皆吾徒耳今若距險屯陝雖安涼
州而疑關東之心甚不可也時百姓訛言當悉誅涼
州人遂轉相恐動其在關中皆擁兵自守更相謂曰
丁彥思蔡伯喈但以董公親厚並尚從坐今既不赦
我曹而欲解兵今日解兵明日當復為魚肉矣布乃

使李肅以詔命至陝討牛輔輔等逆與肅戰肅敗走
弘農布誅之輔營中無故大驚輔懼踰城走左右斬
輔僮兒等以允布殺董卓故忿怒并州人其在軍者
男女數百人皆誅殺之牛輔既敗衆無所依欲各散
去僮等恐乃先遣使詣長安求乞赦免允以為一歲
不可再赦不許僮等益懼不知所為武威人賈詡時
在僮軍說之曰諸君若棄軍單行則一亭長能束君
矣不如相率而西以攻長安為董公報讎事濟奉國

家以正天下若其不合走未後也僉等然之於是共
結盟率軍數千晨夜西行胡文才楊整脩皆涼州大
人而允素所不善也及李僉之叛允乃呼文才整脩
使東解釋之不假借以溫顏謂曰關東鼠子欲何為
邪卿往呼之於是二人往實召兵而還僉隨道收兵
比之長安已十餘萬與卓故部曲樊稠李蒙等合圍
長安城餘見通鑑裴松之曰傳曰仁人之言其利溥
哉然則不仁之言理必反是夫仁功難著而亂源易

成是故有禍機一發而殃流百世者矣當是時元惡
既梟天地始開致使厲階重結豈不由賈誦片言乎
誦之罪也一何大哉自古兆亂未有如是之甚

儼汜自為將軍殺司隸校尉黃琬甲子殺王允夷其族

以列傳修以賈誦為尚書

以通鑑脩

秋七月庚子太尉馬日磾為

太傅錄尚書事八月遣日磾等慰撫關東

以紀傳修

皇甫嵩

為太尉九月李膺為車騎將軍開府郭汜後將軍樊稠
右將軍張濟鎮東將軍封侯儼汜稠筦朝政濟屯弘農

以本紀通鑑目錄脩

甲申楊彪為司空錄尚書事

以本紀脩

冬十月劉

表遣使入貢以為荊州牧

以列傳脩

十二月皇甫嵩免

以本紀脩

曹操追黃巾至濟北降之

以魏書本紀脩

曹操遣使入貢

以通鑑脩

朱儁就徵為太僕

以列傳脩

漢孝獻皇帝初平四年春正月甲寅朔帝居長安

以春秋脩

日有食之

本紀

袁術入陳留曹操破走之三月術逐揚州

刺史陳瑀據其州以為左將軍

以魏書紀漢書傳脩

解題曰揚州部九江丹陽廬江會稽吳郡豫章六郡

夏徐州刺史陶謙遣使入貢以為徐州牧

以列傳脩

六月華

山崩

以本紀脩

朱儁為太尉錄尚書事

以本紀脩

陶謙別將殺前

太尉曹嵩秋曹操引兵擊謙敗走操坑男女數十萬

口

以列傳脩

冬十月帝幸太學

以本紀脩

有星孛於天市

以本紀脩

楊

彪免

以本紀脩

劉虞討公孫瓚兵敗見殺

以本紀脩

解題曰初虞歎曰朝廷播蕩今欲奉使安得不辱命

之士乎衆曰田疇雖年少多稱其奇虞乃署為從事

疇至長安致命還未至虞已為瓚所害疇謁祭虞墓

陳發章表哭泣而去餘見通鑑胡寅曰東漢風俗士
重名節部民為太守致死屬吏為主將讎冤君臣之
義立矣田疇事虞日亦淺耳感其國士之知曰君讎
不報不可立於世其聞子房之風而興起者乎彼世
受國恩當運去物改之時東門迎降西門勸進者亦
何人哉

十二月辛丑地震

本紀

是歲孫堅之子策見袁術請父兵

不許

以魏紀
吳傳修

甲戌漢孝獻皇帝興平元年春正月帝居長安以春秋脩改元

紀脩甲子帝加元服以本紀脩二月壬午追尊母王氏為靈

懷皇后以本紀脩劉備救陶謙謙表備為豫州刺史以列傳脩

解題曰豫州部潁川汝南梁國沛國陳國魯國六郡

國

三月韓遂馬騰與郭汜樊稠戰於長平觀敗還以本紀列傳脩

解題曰按袁宏漢紀是時馬騰以李傕等專亂益州

刺史劉焉宗室大臣遣使招引共誅傕焉遣子範將

兵就騰故涼州刺史种劭拂之子也拂為僱所害劭欲報讎故為此戰餘見通鑑

夏四月曹操攻陶謙陳留太守張邈迎呂布為兗州牧

荀彧等完三城以待操

以列傳脩

解題曰此操失勢之時也

五月郭汜樊稠開府

以列傳脩

夏六月丙子分河西四郡為

雍州

以通鑑目錄脩

京師地震

本紀

乙巳晦日有食之

本紀

秋七月

壬子朱雋免

本紀

戊午太常楊彪為太尉錄尚書事

以通鑑脩

甲子鎮南將軍楊定為安西將軍開府

以列傳脩

自四月不

雨至於是月穀一斛直錢五十萬

以本紀脩

曹操攻呂布不

克九月還鄆城

以列傳脩

冬十二月劉焉卒以其子璋為益

州牧

以列傳脩

陶謙卒劉備領徐州

以列傳脩

解題曰劉備臨豫州辟陳羣為別駕陶謙死徐州迎

備備欲往羣說備曰袁術尚彊今東必與之爭呂布

若襲將軍之後將軍雖得徐州事必無成備東與袁

術戰布果襲下邳遣兵助術大破備軍備恨不用羣

言餘見通鑑

徐州部東海琅邪彭城廣陵下邳五郡國

馬日磾薨於壽春

本紀

是歲袁術表孫策為懷義校尉以

千餘人還之

以吳傳通鑑脩

解題曰江東之業基於此

漢孝獻皇帝興平二年春正月帝居長安

春秋

拜袁紹為

右將軍封邳鄉侯

以列傳脩

二月李傕殺樊稠與郭汜相攻

三月丙寅劫帝幸其營汜留公卿為質

以紀傳脩

夏四月甲

午立貴人伏氏為皇后

本紀

丙申郭汜攻李傕傕以帝幸

北塢

以本紀脩

大旱

本紀

五月李傕自為大司馬

本紀

曹操大破

呂布拔定陶布奔劉備張邈使其弟廣陵太守超保雍

丘

以列傳脩

解題曰此操勢再振之時也陶謙死操欲遂取徐州

還定呂布荀彧諫曰昔高祖保關中光武據河內皆

深根固本以制天下進可以勝敵退足以堅守故雖

有困敗而終濟大業將軍本以兗州首事故能平定

山東此實天下之要地而將軍之關河也若不先定

之根本將何寄乎宜急分討陳宮使虜不得西顧乘其間而收熟麥約食畜穀以資一舉則呂布不足破也今舍之而東未見其便多留兵則力不勝敵少留兵則後不足固布乘虛寇暴震動人心縱數城或全其餘非復已有則將軍尚安歸乎餘見通鑑胡寅曰荀彧初見曹公曹公曰吾子房也至是或言高祖光武根本之基勸曹以兗州為關中河內操信之伯業由此而起司馬光乃謂關中河內之比及史氏之文

非或所言不亦固乎

六月張濟和李傕郭汜秋七月帝東歸汜自為車騎將軍楊定楊奉董承並為將軍送乘輿張濟為將軍開府

屯還陝

以本紀脩

曹操圍雍丘張邈為其下所殺冬十月操

為兗州牧

以列傳脩

壬寅帝幸華陰楊定奔荊州十一月庚

午張濟李傕郭汜追乘輿於東澗王師敗績楊奉董承

招白波帥胡才李樂韓暹擊傕等破之十二月帝前進

傕等復敗之帝渡河幸安邑以胡才為并州牧與李樂

韓暹張揚並為將軍開府沮授說袁紹迎天子不從

以本

紀列傳袁

宏漢紀脩

解題曰沮授說紹曰將軍累葉輔弼世濟忠義今朝廷播越宗廟毀壞觀諸州郡外託義兵內圖相滅未有存主卹民者且州域粗定宜迎大駕安居鄴都挾天子而令諸侯畜士馬以討不庭誰能禦之紹悅將從之郭圖淳于瓊曰漢室陵遲為日久矣今欲興之不亦難乎且今英雄據有州郡衆動萬計所謂秦失

其鹿先得者王若迎天子以自近動輒聞表從之則
權輕違之則拒命非計之善者也授曰今迎朝廷至
義也又於時為宜大計也若不早圖必有先人者也

將軍其圖之紹弗能用餘見通鑑

按袁宏漢紀范史列傳皆據獻帝傳

載沮授勸袁紹迎帝郭圖淳于瓊沮之三國志獨稱天子在河東紹遣郭圖使馬圖還說紹迎天子都鄴紹不從夫沮授為紹謀臣粗有識解嘗勸紹遣使獻捷天子而郭圖沮之則今茲之謀必發於授而非出於圖也

孫策擊揚州牧劉繇於曲阿走之

以吳傳及通鑑脩

解題曰曲阿今鎮江府丹陽金壇縣地

劉繇攻豫章以前太傅掾華歆為太守

以列傳脩

吳郡都尉

朱治據吳郡以從孫策

以吳傳脩

雍丘潰張超自殺曹操夷

其三族

以列傳脩

南單于於扶羅死弟呼厨泉立

以列傳脩

劉虞

從事鮮于輔迎虞子和攻公孫瓚於鮑丘破之瓚徙鎮

易

以列傳脩

解題曰李賢曰鮑丘水出北塞中南流經九莊山嶺

東俗謂之大榆河又東南經漁陽故城東是戰處見

水經注又名潞水

袁紹以子譚為青州刺史熙為幽州刺史甥高幹為并

州刺史

以後漢三國志列傳脩

解題曰按袁紹取冀青幽三州皆可攷見惟取并州傳記不載蓋胡才為并州牧後為怨家所殺紹取之


爾當紹取冀州之初沮授固說以橫大河之北合四

州之地矣譚為青州通鑑載於初平四年今因後漢

三國紹本傳載於此

青州部濟南平原樂安北海東萊齊國六郡國幽州部涿郡廣

陽代郡上谷漁陽右北平遼西遼東玄菟樂浪遼東
屬國十郡一屬國并州部上黨太原上郡西河五原
雲中定襄鴈
門朔方九郡



大事記續編卷十九

欽定四庫全書

史部

大事記續編卷二十

詳校官檢討

臣朱依昊

編修

臣裴謙覆勘

總校官編修

臣倉聖脉

校對官典簿

臣劉景岳

謄錄監生

臣沈毓鳳

欽定四庫全書

大事記續編卷二十

明 王禕 撰

漢孝獻皇帝建安元年

解題曰宋庠紀年通譜正月郊祀上帝於安邑改元

建安

春正月帝居安邑

以春秋脩

郊祀上帝改元

以本紀脩

二月張揚

使董承治洛陽宮室劉表遣兵助之

以列傳脩

六月乙未帝

幸聞喜

本紀

袁術攻劉備備拒之呂布襲破下邳降備布

自為徐州牧

以列傳脩

秋七月甲子帝至洛陽

以本紀脩

丁丑郊

祀上帝

本紀

八月癸卯張揚為大司馬韓暹為大將軍楊

奉為車騎將軍領司隸校尉

以本紀袁宏漢紀脩

袁術謀稱帝孫

策諫之不從遂與之絕

以舉要脩補遺脩

曹操將迎天子楊奉

表為鎮東將軍操至韓暹奔奉辛亥操自領司隸校尉

錄尚書事庚申遷帝於許操自為大將軍封武平侯

以本紀

脩傳

解題曰帝自河東還洛陽操欲奉迎車駕徙都於許

衆以山東未定韓暹楊奉負功恣睢未可卒制荀彧
勸操曰昔晉文公納周襄王而諸侯景從漢高祖為
義帝縞素而天下歸心自天子蒙塵將軍首倡義兵
徒以山東擾亂未遑遠赴今鸞駕旋軫東京榛蕪誠
因此時奉主上以從人望大順也秉至公以服天下
大畧也扶弘義以致英俊大德也四方雖有逆節其
何能為若不肯定使豪傑生心後雖為慮亦無及矣
從之操朝天子於洛陽引董昭並坐問曰今孤來此

常施何計昭曰將軍興義兵以誅暴亂入朝天子輔
翼王室此五伯之功也此下諸將人殊異意未必服
從今留匡弼事勢不便惟有移駕幸許耳然朝廷播
越新還舊京遠近企望冀一朝獲安今復徙駕不厭
衆心夫行非常之事乃有非常之功願將軍算其多
者餘見通鑑觀荀彧勸操之辭與董昭之所以進說
則他日九錫之議意向不同可以前知矣

立宗廟社稷

以本紀脩

孫策攻會稽降太守王朗自稱太守

以呂祖謙
標目脩

九月楊彪罷

以本
紀脩

冬十月曹操攻楊奉於梁

奉奔袁術

以列
傳脩

以袁紹為太尉封鄴侯不受

以列
傳脩

十一

月丙戌曹操自為司空行車騎將軍事百官總已以聽

荀彧為侍中守尚書令蜀郡太守荀攸為軍師

以紀
傳脩

徵

北海太守孔融為將作大匠

以列
傳脩

解題曰融為北海相收合士民起兵講武賊張饒等

二十萬衆從冀州還融逆擊為饒所敗乃收散兵保

朱虛縣稍復鳩集吏民為黃巾所誤者男女四萬餘

人更置城邑立學校表顯儒術薦舉賢良鄭玄彭璆
邴原等時袁曹方盛而融無所協附左丞祖者稱有
意謀勸融有所結納融知紹操終圖漢室不欲與同
故怒而殺之融負其高氣志在靖難而才疎意廣迄
無成功在郡六年劉備表領青州刺史建安元年為
袁譚所攻自春至夏戰士所餘纔數百人流矢雨集
戈矛內接融隱几讀書談笑自若城夜陷乃奔東山
妻子為譚所虜及獻帝都許徵以為將作大匠遷少

府每朝會訪對融輒引正定議公卿大夫皆隸名而

已餘見通鑑

蘇軾贊曰文舉以英偉冠世之資師表海內意所予奪天下從之此人中龍也

而曹操陰賊險狠特鬼蜮之雄者耳其勢決不兩立使天未欲亡漢公誅操如殺狐兔何足道哉辭旨抑揚誠為太過若通鑑据司馬彪九州春秋謂其所任用好奇取異多剽輕小才尊事名儒皆備在坐席而已不與共政則又貶之已甚今不取

以羽林監棗祗為屯田都尉

以魏書紀傳脩

袁術求婚於呂布

布許之街攻劉備布救之布復攻下邳備奔曹操表備

為鎮東將軍

以列傳脩

解題曰按三國志本紀程昱說操曰觀劉備有雄才而甚得衆心終不為人下不如早圖之操曰方今收

英雄時也殺一人而失天下之心不可傳亦明載通鑑據魏書或謂太祖圖備不如本紀明白

程迥曰項羽殺義帝

公孫瓚害劉虞皆負不道之名適所以兆其亡操英雄蓋世所不足者虛曠之度耳昱復贊其無罪而殺英賢非計也先主寓迹於曹之巢穴關羽欲為盜賊之計殺之彼操之黨將畢命於先主豈所當為哉

張濟攻穰死族子繡以衆歸劉表

以列傳脩

袁紹陷東郡殺

太守臧洪

以列傳脩

解題曰開德府朝城縣漢東郡東武陽縣臧洪據此
以拒紹

漢孝獻皇帝建安二年春曹操擊張繡降之繡復襲敗

操

以列傳脩

以尚書僕射鍾繇為司隸校尉督關中軍韓遂

馬騰遣子入侍

以列傳脩

袁術稱帝

以列傳脩

三月袁紹為大將

軍督冀青幽并四州

以本紀脩

解題曰以紹為太尉封鄴侯時曹操自為大將軍紹
恥為之下偽表辭不受操大懼乃讓位於紹二年使

孔融持節拜紹大將軍賜弓矢節鉞虎賁百人兼督

冀青幽并四州然後受之

李賢曰太尉位大將軍上初武帝以衛青征伐有功

以為大將軍欲尊寵之故置大司馬官號以冠之其後霍光等皆然明帝以東平王蒼有賢才以為驃騎大將軍以王故位公上和帝以竇憲征匈奴還遷大將軍在公上以勲戚者不拘常例焉

夏五月蝗

本紀

呂布絕袁術詔以為左將軍術攻布布敗

之

以列傳脩

以孫策為騎都尉襲烏程侯

以通鑑脩

秋九月曹操

討袁術術走渡淮

以舉要厯補遺脩

下楊彪獄既而赦之

以列傳脩

冬劉備誘楊奉殺之

以通鑑脩

是歲袁術殺陳王寵

本紀

漢孝獻皇帝建安三年春三月曹操圍張繡於穰

以通鑑脩

夏四月遣謁者裴茂率中郎將段煨討李傕夷其三族

以列傳脩

郭汜為其將所殺曹操還五月敗張繡劉表兵

以通

鑑脩

呂布復通袁術秋九月布破劉備於沛城備奔曹操

操擊布冬十一月張揚將殺揚以應操十二月癸酉操

克下邳殺呂布以備為左將軍

以列傳脩

孫策遣使入貢以

為討逆將軍封吳侯策以居巢長周瑜為建威中郎將

以列傳脩

徵鄭玄為大司農不至

以袁宏漢紀脩

漢孝獻皇帝建安四年春袁紹攻公孫瓚於易京三月

瓚自焚死

以紀傳脩

解題曰李賢曰公孫瓚臨易河築京故號易京其城

三重其內城中有土京在幽州歸義縣南今雄州歸

信縣南漢易縣也

以漁陽太守鮮于輔為將軍都督幽州

以列傳脩

袁紹承制

以烏桓蹋頓等為單于

以列傳脩

夏袁術將奔袁譚曹操遣

劉備邀之術走六月死

以列傳脩

秋八月曹操以袁紹將攻

許軍黎陽九月還分兵守官渡

以魏紀脩

解題曰水經注黎侯國也晉灼曰黎山在其南河水逕其東取山之名水之陽以為名竹書紀年梁惠成王十三年鄭釐侯使許息來致地我取軹道與鄭鹿即是城今城內有鹿鳴臺又曰白馬津李賢曰官渡在今鄭州中牟縣北水經注荑蕩渠經曹公壘北有高臺謂之官渡臺俗謂中牟臺

冬十一月張繡降曹操以為將軍將軍賈詡為執金吾

以魏傳脩

曹操使治書侍御史衛覲鎮關中

以魏傳脩

復置鹽官

徙司隸校尉治弘農

以魏傳脩

孫策克皖城廬江太守劉勲

走策擊江夏太守黃祖十二月辛亥劉表遣將救之甲

寅策大破之徇豫章華歆降分豫章為廬陵郡

以吳書脩

劉備殺徐州刺史車胄與袁紹連兵

以蜀書脩

時曹操制新

科

以呂祖謙標目脩

漢孝獻皇帝建安五年春正月車騎將軍董承等受密

詔誅曹操事洩操夷其三族

以本紀脩

曹操破劉備備奔袁

紹操還官渡二月紹軍黎陽

以魏紀脩

夏四月丙午孫策卒

於丹徒弟權領其衆

以吳書脩

解題曰按漢書三國志紀傳袁宏漢紀江表傳吳書

吳歷吳錄魏畧漢晉春秋孫破虜吳夫人生四男策

權翊匡一女堅為朱儁佐軍留家壽春策年十餘歲

已交結知名聲譽發聞有周瑜者與策同年亦英達

夙成聞策聲問自舒

唐屬廬州廬江縣今屬舒城縣

來造馬便推結

分好勸策徙居舒推道南大宅以舍策升堂拜母有

無通共堅薨策年十七還葬曲阿乃渡江居江都徐州牧陶謙深忌策初平三年揚州刺史陳禕死袁術使陳瑀領揚州牧四年術為曹公敗於封丘南向壽

春瑀拒不納術保陰陵

在濠州

合軍攻瑀瑀走術領其

州術上吳景領丹陽太守

本秦鄣郡今寧國府

討故太守周昕

遂據其郡術表孫賁丹陽都尉策以母弟委張紘徑到壽春見術涕泣而言曰亡父昔從長沙入討董卓與明使君會於南陽同盟結好不幸遇難勲業不終

策感惟先人舊恩欲自憑結願明使君垂察其誠術
甚異之然未肯還其父兵謂策曰孤用賁舅為丹陽
太守賢從伯陽為校尉彼精兵之地

唐稱宣
潤努手

可還依

召募策乃載母徙曲阿與呂範孫河俱就景募得數
百人而為涇縣大帥祖郎所襲幾殆興平元年復往
見術太傅馬日磾杖節在壽春辟策懷義校尉術大

將喬蕤張勲皆傾心焉術初許用策為九江太守

豐安

軍壽春縣
九江郡治

已而更用陳紀後術欲攻徐州從廬江太

守陸康求米三萬斛康不與術大怒遣策攻康謂曰
前用陳紀每恨本意不遂今若得康廬江真卿有也
策攻康拔之術復用其故吏劉勲為太守策益失望
先是劉繇為揚州刺史治壽春術已據之繇欲南渡
江吳景孫賁迎置曲阿術攻沒諸郡繇遣樊能于麋
屯橫江在和州歷陽縣東南二十六里張英屯當利口在和州城東十二里以
拒之以景賁術所授迫逐使去術乃自用惠衢為揚
州刺史以景為督軍中郎將與賁併力攻英能等歲

餘不下丹陽朱治知術政德不立勸策還平江東策
說術云家有舊恩在江東願助舅討橫江橫江拔因
投本土召募可得三萬兵以佐明使君匡濟漢室術
知其恨而以繇據曲阿王朗在會稽策未必能定故
許之表為折衝校尉行殄寇將軍兵千餘騎數十匹
賓客願從者數百人比至厯陽衆五六千周瑜從父
尚為丹陽太守策馳書報瑜本文瑜作公瑾瑜發衆及船糧
迎策策大喜曰吾得卿諧也策母先自曲阿徙於厯

陽策又徙母阜陵

後漢九江郡縣今滁州全椒縣

攻橫江當利皆拔

之渡江攻牛渚營

在太平州采石

盡得邸閣糧穀戰具興平

二年也時彭城相薛禮下邳相笮融依繇為盟主禮

據秣陵城

故縣在建康府南五十五里秣陵橋東北

融屯縣南策大破之

攻繇別將於梅陵轉攻胡孰

在建康府上元縣淮水北故城猶在

江乘

後漢志丹陽郡縣今廢城在建康府

皆下之策善姿顏喜笑語性濶達

聽受善用人士民見者莫不盡心樂為致死呼為孫

郎百姓聞孫郎至皆失魂魄長吏委城郭竄伏及至

軍士奉令不敢虜掠雞犬菜茹一無所犯民乃大悅
競以牛酒詣軍進入曲阿劉繇同郡太史慈見繇未
去會策至繇使慈偵視輕重獨與一騎卒遇策策從
騎十三皆韓當宋謙黃蓋輩慈便前闕正與策對策
刺慈馬擊得項上手戟慈亦得策兜鍪會兩家兵騎
各來赴於是解散繇奔丹徒策身臨行陣張紘諫曰
主將籌謀之所自出三軍之所寄命也不宜輕脫自
敵小寇願麾下重天授之姿無令上下危懼策勞賜

將士遣將陳寶迎母及弟發恩布令告諸縣劉繇等
融故鄉部曲來降首者一無所問樂從軍者一身行
復除門戶不樂者勿彊旬日之間得見兵二萬餘人

馬千餘匹威震江東繇將奔會稽許劭

本文作
子將

曰會

稽富實策之所貪且窮在海隅不可往也不如豫章
北連豫壤西接荊州若收吏民遣使貢獻與曹兖州
相聞雖有袁公路在其間其人豺狼不能久也足下
受王命孟德景升必相救濟繇從之策從容與呂範

暴範曰今將軍事業日大士衆日盛範在遠聞紀綱
猶有不整者範願暫領都督佐將軍部分之策曰子
衡既士大夫加手下已有大衆立功於外豈宜復屈
小職範曰不然今舍本土而託將軍者非為妻子也
欲濟世務猶同舟涉海一事不牢即俱受其敗此亦
範計非但將軍也策笑無以答範出便釋襦著袴褶
執鞭詣閣下啓事自稱領都督策乃授傳委以衆事
由是軍中肅睦威禁大行策命張昭為長史張紘為

正議校尉並與參謀常令一人居守一人從征討策

謂周瑜曰吾以此衆取吳會平山越

見建安八年平山越解題卿

還鎮丹陽頃之袁術遣從弟胤代尚為太守瑜尚俱

還壽春劉繇南保豫章駐彭澤

今池州東流縣

策融至殺太

守朱皓入居郡中繇進討為融所破復招屬縣攻融

融敗走詔以華歆為豫章太守朱治為吳郡都尉從

錢塘欲進到吳吳郡太守許貢拒之於由拳

在嘉興府嘉興

縣治與戰大破之貢南就山賊嚴白虎策進攻會稽

烏程鄒他及嘉興王晟等各聚衆萬餘吳景等欲先
擊破虎等策曰虎等群盜非有大志此成禽爾會稽
功曹虞翻說王朗以為力不能拒不如避之朗以為

宜保城邑拒策於固陵

即西陵也

策數渡水戰不能克孫

靜說策曰郎負阻城守難可卒拔查瀆

水經注浙江又東逕祖塘

謂之祖瀆昔王郎拒孫策孫靜說策祖塘是道要也若從此出破之必矣策從之破即固陵

南去

此數十里宜從彼據其內所謂攻其無備出其不意

者也策曰善昏暮然火誑朗夜分軍投查浦道

夏侯先

地志吳王伐越次查浦越立城以守查吳作城於浦東以守越今蕭山縣西九里越王城襲高遷

屯

寰宇記策入郡郡人迎於高遷在蕭山界

朗大驚遣周昕等帥兵前戰

策破斬之朗亡走浮海至東冶

光武時曰東侯官今福州閩縣策追

擊大破之朗乃詣策策以其儒雅詰讓而不害自領

會稽太守命虞翻為功曹待以交友之禮策好游獵

翻諫曰明府喜輕出微行從官不暇嚴吏卒常苦之

夫君人者不重則不威故白龍魚服困於豫且願少

留意策遣劉由高承奉章詣許獻方物建安二年袁

術偕號策以書責而絕之復以吳景為丹陽太守夏

曹公遣議郎王浦奉詔書以策為騎都尉襲烏程侯

領會稽太守勅與呂布及吳郡太守陳瑀共討術策

欲得將軍號使人諷浦浦便承制假策明漢將軍時

陳瑀屯海西

後漢志廣陵郡縣合屬連水軍

策治嚴行到錢塘瑀陰

圖襲策遣萬演渡江持印傳三十餘紐與丹陽宣城

陵陽

後漢志丹陽郡縣今池州石埭縣

始安

在今池州青陽縣

黜歛諸險縣

大帥祖郎焦已及嚴白虎等使為內應伺策軍發攻

諸郡策覺之遣呂範徐逸攻瑀大破瑀瑀奔冀州
袁術欲以周瑜為將瑜觀術終無所成故求為居巢長

今無為
軍巢縣

魯肅署東城長

晉灼曰在九江郡李賢曰故
城在今濠州定遠縣東南

見術不足與立事攜老弱將輕俠少年百餘人就瑜
瑜欲東歸術聽之肅因與同行是歲建安三年也策

自迎瑜授建威中郎將肅留家曲阿曹操

本文作
太祖表

徵王朗策遣之操問孫策何以得至此朗曰策勇冠
一世有雋才大志張子布民之望也北面而相之周

公瑾江淮之傑攘臂而為其將謀而有成所規不細
將為天下大賊非狗盜而已策逐袁胤術深怨策乃
陰遣使齎印綬與丹陽宗帥陵陽祖郎等使激動山
越合衆攻策太史慈與劉繇俱奔豫章而遁於蕪湖
見晉咸和
二年解題
山中稱丹陽太守時策已定宣城以東惟

涇以西六縣未服慈進住涇縣大為山越所附策攻
朗於陵陽慈於勇里生獲朗謂曰爾昔襲孤斫孤馬
鞍今創軍立事除棄宿恨惟取能用與天下通耳非

但汝汝莫恐怖朗叩頭謝罪即破械賜衣服署門下
賊曹慈為策所執即解縛捉其手曰寧識神亭時耶
若卿爾時得我云何慈曰未可量也策大笑曰今日
之事當與卿共之署門下督還吳授兵拜折衝中郎
將後劉繇亡於豫章士衆萬餘人願奉華歆為主歆
以為因時擅命非人臣之宜衆守之連月不從策命
慈往撫焉謂慈曰劉牧往責吾為袁氏攻廬江此繇之所
以逼逐吳其意頗猥先君手下數千人盡在公路許
景孫責也

孤志在立事不得不屈意於公路求索故兵再往纔得千餘人仍令孤攻廬江不得不為行其後自作邪僭事諫之不從丈夫義交苟有大過不得不離孤交公路及絕之本末如此恨不及其生時與共論辯今兒子在豫章不知華子魚待遇何如卿部曲復依隨之否卿往並宣孤意部曲樂來者與俱來不樂者且慰安之并觀子魚所以牧御廬陵鄱陽人親附之否卿手下兵多少由意慈曰今並息兵不宜多將數十

人自足往還左右皆曰慈必北去不還策曰子義捨
我當復與誰餞送昌門把腕別曰何時能還答曰不
過十日議者猶紛紛謂慈與子魚州里恐留彼為籌
策或疑慈託黃祖假路還北策曰孤斷之詳矣子義
雖氣勇有膽烈然非縱橫之人其心有士模貴重然諾
一以意許知已死亡不相負諸君勿憂也慈還議者
乃服慈見策曰子魚良德也然無他方規自守而已
又丹陽僮芝自擅廬陵鄱陽民帥別立宗部言已別

立郡海昏

南康縣城太史慈所築蓋策以慈為建昌都尉治海昏也

上繚

建昌縣有上繚

亭在東南十七里雷次宗云亭側三百家昌邑王家劉姓謂之宗人

不受發召子魚視

之而已策拊掌大笑有兼并之志矣策遣張紘奉章

至許曹公表策為討逆將軍以弟女配策弟匡又為

子彰取貴女禮辟策弟權翊又命揚州刺史嚴象舉

權茂才張紘為侍御史廬江太守劉勲兵彊於江淮之

間策惡之遣使卑辭厚幣說勲曰上繚宗民數欺下

國擊之路不便願因大國伐之上繚富實得可以富

國請出兵為外援勲信之又得策珠寶葛越喜悅外
內盡賀劉曄獨否勲問其故曰上繚雖小城堅池深
不可旬日而舉兵疲於外而國內虛策乘虛襲我則
後不能獨守是將軍進屈於敵退無所歸若軍必出
禍今至矣勲不從伐上繚到海昏宗帥知之空壁逃
匿勲了無所得時策西討黃祖行及石城後漢志丹陽郡縣今
池州貴池縣聞勲輕身詣海昏分遣從兄貢輔率二萬人
於彭澤待勲自與周瑜率二萬人步襲皖城後漢志廬江郡

有皖縣

即克之得部曲三萬餘人袁術妻子依勲策復

収視上用李術為廬江太守給兵三千以守皖皆徙

所得人東詣吳賁輔於彭澤破勲勲走從潯陽

見晉咸和

三年

步上到置馬亭

後漢志潯陽置馬亭劉繇士衆散處

聞策已克皖

乃投西塞

在興國軍

至沂築壘告急於黃祖劉表祖遣太

子射船軍五千人助勲策就攻大破勲勲北歸曹公

射亦走策収得勲兵二千餘人船千艘遂前攻祖十

二月八日到沙羨

見建安十三年解題

劉表遣從子虎南陽韓

晞將長矛五千為祖前鋒策大破之斬晞已下二萬
餘級溺者二萬餘口船六千餘艘策還軍欲取豫章
請虞翻曰子魚自有名字然非吾敵也加聞其戰具
甚少若不開門讓城金鼓一震不得無所傷害卿便
在前具宣孤意翻到郡見歆曰竊明府與王府君齊
名中州海內所宗雖在東華常懷瞻仰歆荅曰孤不
如王會稽翻復問豫章精兵何如會稽曰大不如也
翻曰明府言不如王會稽譙光之譚也且精兵不如

會稽實如尊教討逆智畧超世用兵如神前走劉揚
州君所親見南定鄙郡亦君所聞也今欲守孤城自
料資糧已知不足不早為計悔無及也今大軍已次

椒丘

城在隆興府北
一百八十里

僕便還去明日日中迎撥不到

者與君辭矣歆曰久在江表常欲北歸孫會稽來吾
便去也翻還報策策乃進軍歆葛巾迎策策曰府君
年德名望遠近所歸策年幼穉宜修子弟之禮便向
歆拜收載劉繇喪善遇其家以孫賁為豫章太守分

豫章為廬陵郡以孫輔為太守策謂貢曰兄據豫章已扼僮芝咽喉當伺形便令國儀仗兵而進公瑾為作勢援後聞芝病即如策計周瑜到巴丘

見建安十五年解題

輔遂據廬陵建安五年曹袁相拒於官渡策陰欲襲許迎漢帝密治兵部署諸將將北襲許衆皆懼郭嘉曰策所誅皆英雄豪傑能得人死力者也然策輕而無備雖有百萬之衆無異於獨行中原也若刺客伏起一人之敵耳策臨江未濟果為許貢客所殺

陸機辨亡

論桓王將北伐諸華誅鉏十紀旋皇輿於夷庚反帝
坐於紫闥挾天子以令諸侯清大步而歸舊物戎車
既次中世而殞以此觀之則孫盛所謂曹袁虎爭勢
傾山海策豈暇遠師汝頓遷帝吳越者蓋非實錄矣
策性好獵所乘馬精駿從騎絕不能及初許貢表漢
帝曰孫策驍雄與項羽相似宜加貴寵召還京邑若
放於外必作世患候吏得表以示策策請貢責讓絞
殺之貢奴客潛民間欲報讎獵日策與客遇客擊傷
策創甚請張昭等謂曰中國方亂以吳越之衆三江
之固足以觀成敗公等善相吾弟呼權佩以印綬謂

曰舉江東之衆決機於兩陳之間與天下爭衡卿不
如我舉能任賢各盡其心以保江東我不如卿至夜
卒時年二十六此孫策平江左之始末也呂祖謙曰
策不死興固不可知亡亦不可知蓋不為保江東之
計使待曹操死則可逞其志耳

秋七月劉備屯汝南

以蜀書脩

九月庚午朔日有食之

本紀袁

紹圍曹操於官渡冬十月操襲破其輜重於烏巢紹軍

潰操殺其八萬人紹殺田豐

以魏書紀傳脩

解題曰按三國志列傳袁紹圍操

本文作大祖下同

於官渡

操糧方盡問賈翊計焉出翊曰公明勝紹勇勝紹用人勝紹決機勝紹有此四勝而半年不定者但顧萬全故也必決其機須臾可定也操曰善乃并兵出圍擊紹三十里營破之餘見通鑑帝之在安邑沮授說紹以西迎大駕即宮鄴都此上策也紹既失之而為曹氏所先矣及田豐說紹襲許而又不能從操既破袁術平吕布敗張繡紹始簡兵騎欲以攻許亦既晚

矣幸而操自討劉備田豐曰曹劉連兵未可卒解若
舉軍襲其後可一往而定而紹復以子疾辭及操還
軍官渡紹乃議攻許田豐曰操善用兵變化無方衆
雖少未可輕也今不如以久持之簡其精銳分為奇
兵乘虛迭出以擾河南救右則擊其左救左則擊其
右使敵疲於奔命民不得安業我未勞而敵已困不
及三年可坐克也今釋廟勝之策而決成敗於一戰
若不如志悔無及也凡此數策紹皆失之則惟有戰

耳而其失又有甚焉者紹之渡河也沮授諫曰勝負
變化不可不詳今宜留屯延津分兵官渡若其克獲
還迎不晚設其有難衆弗可還紹弗從紹遣軍運穀
使淳于瓊將兵送之授復請遣蔣奇別為步軍於表
以絕操之鈔又弗從許攸曰曹操少兵而悉師拒我
許下空弱輕軍掩襲可拔也許拔則奉迎天子以討
操如其未潰可令首尾奔命紹又不從暨攸改計歸
操而紹敗矣當呼吸安危之秋而坐失機會如此方

且慙於田豐而殺之其短於從善不已甚乎

晉索綝討趙

染有輕緋之色長史魯徽曰將軍宜整陣索兵以擊之弗可輕也染曰索綝小堅要擒之而後食戰於城西敗績而歸悔曰吾不用魯徽之言以至於此何面見之於是斬徽徽曰將軍懷諫耻敗而復誅戮忠良以逞愚忿袁紹為之於前將軍踵之於後死者無知則已若其有知下見田豐為徒要當訴將軍於黃泉正指此也李賢曰烏巢在滑州酸棗城東水經注烏巢澤在酸棗之東南

辛亥有星孛於大梁

紀本

以司徒掾劉馥為揚州刺史

魏以

傳脩

以孫權為討虜將軍會稽太守

以吳書脩

劉表平長沙零

陵桂陽立學校郊祀天地

以列傳脩

解題曰長沙宋潭岳衡鄂吉五州寶慶常德二府武岡軍之地零陵宋永全道靖衡潭六州靜江寶慶二府武岡軍之地桂陽宋郴韶連衡潭南雄六州英德府武岡軍之地

益州司馬張魯據漢中征東中郎將趙韙攻劉璋

以列傳脩

漢孝獻皇帝建安六年春二月丁卯朔日有食之

以本紀脩

夏四月曹操破袁紹於倉亭秋九月曹操擊劉備備奔

劉表

以魏書本紀脩

趙韙圍成都敗死張魯取巴郡以為漢寧

太守

以列傳脩

解題曰漢寧即漢中郡

漢孝獻皇帝建安七年春正月曹操軍官渡

以魏紀脩

夏五

月庚戌袁紹薨少子尚領冀州牧長子譚自稱車騎將

軍屯黎陽秋九月曹操攻譚尚救之俱敗

以列傳脩

袁尚遣

并州刺史高幹河東太守郭援南單于攻河東鍾繇破

援斬之

以列傳脩

曹操責孫權侍子不從

以吳書脩

解題曰按三國志江表傳曹公新破袁紹兵威日盛

下書責權質任子權召君臣會議張昭秦松等猶豫不能決權意不欲遣質乃獨將周瑜詣母前定議瑜曰昔楚國初封不過百里繼嗣賢能廣土開境遂至荆揚延祚九百今將軍承父兄餘資兼六郡之衆兵精糧多將士用命鑄山為銅煮海為鹽境內富饒人不思亂汎舟舉帆朝發夕至士風勁勇所向無敵有何逼迫而欲送質質一入不得不與曹氏相首尾與相首尾則命召不得不往便見制於人也極不過一

侯印僕從十餘人車數乘馬數匹豈與南面稱孤同哉不如勿遣徐觀其變若曹氏能率義以正天下將軍事之未晚若圖為暴亂兵猶火也不戢將自焚將軍韜勇抗威以待天命何送質之有權母曰公瑾議是也餘見通鑑張泰諸人與公瑾所見不同論議迥別已決於此不待他日而後見也

漢孝獻皇帝建安八年春二月曹操攻黎陽袁譚袁尚戰敗夏四月操追至鄴

解題曰按相臺志商河亶甲居相秦屬邯鄲郡漢為
魏郡曹公為魏王都此分為東西部黃初二年以東
部為陽平郡西部為廣平郡并魏為三魏文帝分十部為三部
石虎慕容雋皆都之後魏置相州東魏北齊都馬改
為司州又改清都尹後周復置相州及魏郡徙州於
安陽故城唐為相州天寶曰鄴郡屬天雄軍後梁為
昭德軍宋省鄴縣入臨漳縣曹操破袁氏因其富强
遂居之天下方亂百姓奔赴依以小康久之戶口視

天下為最民號難治餘見晉永嘉七年梁中大同六年解題

五月操還許袁譚攻尚敗還南皮

以列傳脩

秋七月令郡國

脩學校

以魏紀脩

解題曰葉適曰操令縣滿五百戶者置校官而其辭

曰其令郡國各脩文學按操雖竊漢柄號令所行施其統內若充冀之郡國可也與人主制詔並行於天下可乎苟或非不見微者猶曰愛人以德何也陳壽

雖著魏書然有漢則無魏而事辭錯雜後世無別史
法不復存矣事見通鑑

八月曹操擊劉表

以魏紀脩

袁尚攻譚大破之譚奔平原冬

十月曹操救譚至黎陽尚走

以列傳脩

孫權平山越

以吳書脩

解題曰按三國志賀齊傳守剡長又諸葛恪傳丹陽

地勢險阻與吳郡會稽新都

今徽州

鄱陽四郡隣接周

旋數千里山谷萬重盖今宣潤徽廣德嚴杭衢饒之

境皆是也

申甲漢孝獻皇帝建安九年春二月袁尚攻譚曹操圍鄴

解題曰操濟河遏淇水入白溝以通糧道引漳水以圍之周四十里初淺而狹如或可越審配不出爭利望而笑之一夜增修廣修二丈引漳水注之餘見通

鑑

水經注淇水南歷枋堰舊淇水南東流逕黎陽縣南入河溝洫志曰在遮害亭西十八里至淇水口

是漢建安九年魏武王於水口下大枋木以成堰遏洪水東入白溝故號其處為枋頭其後遂廢魏熙平中復通之按史白起為鄴令堰漳水灌田魏武王又捍漳水回流東注宋王詒議復鄴渠言相州圖經載天井堰魏武所作凡二十里分十二塋塋相距三百步互相灌注然漳水淺不與岸平就高處盤岸為平

而截流為堰然
後水行數里

秋七月尚還救之敗奔中山八月操破鄴九月令河北

毋出今年租賦操自領冀州牧定田租之制

以魏紀晉
食貨志脩

解題曰按三國志魏書載公令曰袁氏之治也使豪

強擅恣親戚兼并下民貧弱代出租賦銜鬻家財不

足應命欲百姓親附甲兵彊盛其可得耶其收田租

畝四升戶出絹二疋綿二斤而已他不得擅興發郡

國守相明檢察之無令強民有所隱藏而弱民兼賦

也

水經注魏武引漳水自城西東入逕銅雀臺下伏流東注謂之長明溝渠水又南逕上東門下魏武

於鄴為北宮宮有文昌殿溝水南北夾道枝流引灌於文昌殿處造東西太武二殿城西北三臺因城為之七門南鳳陽中中陽次廣陽東建春北廣德次鹿門西金商

冬十月有星孛於東井

本紀

高幹降

以列傳脩

解題曰幹才志弘邈曹操

本文作太祖

圍鄴袁尚遣牽招

至上黨督軍糧未還尚破走中山時幹為并州刺史

招以并州左有恒山之險右有大河之固帶甲五萬

北阻彊胡勸幹迎尚并力觀變幹既不能而陰欲害

招招間行而去餘見通鑑

袁譚攻尚尚奔袁熙曹操討譚十二月譚保南皮

以列傳脩

解題曰郡國志南皮勃海郡縣

是歲公孫度卒子康立

以魏傳脩

漢孝獻皇帝建安十年春正月曹操斬袁譚幽州將焦

觸逐袁熙而降操熙尚奔烏桓

以紀傳脩

夏四月張燕降

以本

紀脩冬十月高幹叛

解題曰按三國志列傳荀衍以監軍校尉守鄴都督

河北事操

本文作太祖

之征袁尚也幹密遣兵謀襲鄴衍

逆覺盡誅之餘見通鑑

曹操以西平太守杜畿為河東太守

以列傳脩

祕書監荀悅

上申鑑五篇

以列傳脩

解題曰時政在曹氏天子恭已悅志在獻替而謀無所用故作是書餘見通鑑程迥曰悅當獻帝時不肯同荀文若輩為曹操用亦不同孔文舉為操所忌獨以著書見於後世其書有益於治道蓋一時之望也

然欲使凡器與顏冉同趨則申商之習也賢如悅尚不能不為習俗所移何望於他人哉

漢孝獻皇帝建安十一年春正月有星孛於北斗

本紀

曹

操擊高幹三月斬之以陳羣梁習為并州刺史

以魏傳脩

漢孝獻皇帝建安十二年春三月曹操襲烏桓秋八月

大破之斬蹋頓

解題曰按魏書列傳漢末遼西烏丸大人丘力居衆五千餘落上谷大人難樓衆九千餘落各稱王而遼

東屬國大人蘇僕延衆千餘落自稱峭王右北平大
人烏延衆八百餘落自稱汗魯王後丘力居死子樓
班年小從子踏頓有武畧代立總攝三王部衆皆從
其教令後樓班大峭王率其部衆奉樓班為單于踏
頓為王操

本文作太
祖下同

北征三郡烏丸軍次無終

故無終子

國時屬右
北平郡

方夏雨水濱海洿下凜滯不通虜亦遮守

蹊要操患之以問田疇疇曰此道秋夏每常有水淺
不通車馬深不載舟船為難久矣舊北平郡治在平

岡

前漢右北平郡治平岡後漢治上垠

道出盧龍達於柳城

前漢遼西郡縣以地

有三柳水取名後魏置營州於和龍城領六郡李繪曰唐營州南又有五柳城

自建武以來

陷壞斷絕而尚有微徑可從今虜將以大軍當由無

終不得進而退懈弛無備若嘿回軍從盧龍口

漢遼西肥

如縣隋唐為盧龍縣有盧水南入海故曰盧龍口

越白檀之險

前漢屬漁陽郡隋樂安郡

武德改檀州以白檀城名

出空虛之地路近而便掩其不備踏頓

之首可不戰而禽也操曰善乃引軍還而署大木表

於水側路傍曰方今暑夏道路不通且俟秋冬乃復

進軍虜候騎見之誠以為大軍去也操令疇將其衆

為鄉導出盧龍塞墜山陁谷五百餘里涉鮮卑庭東

指柳城未至二百里虜乃知之蹋頓等將數萬騎逆

軍八月登白狼山

前漢右北平白狼縣有白狼山

卒與虜遇衆甚盛

操車重在後被甲者少左右皆懼操登高望虜陣不

整乃縱兵擊之虜衆大崩斬蹋頓及名王已下降者

二十餘萬時寒且旱二百里無水軍又乏食殺馬數

千匹以為糧鑿地三十餘丈乃得水既還科問前諫

者人人皆懼操皆厚賞之曰孤前行乘危以僥倖雖得之天所佐也顧不可以為常諸君之諫萬安之計是以相賞後勿難言之餘見通鑑蘇軾曰操既勝烏桓曰前諫我者萬全之計也乃賞諫者曰後勿難言袁紹既敗於官渡曰諸人聞吾敗必相哀惟田別駕不然當幸其言之中也乃殺豐為明主謀而不中不惟無罪乃有賞為庸主謀而忠賞固不可得而禍隨之吾今乃知袁曹所以興亡者

袁熙袁尚奔遼東九月公孫康斬送之

以紀傳脩

冬十月辛

卯有星孛於鶉尾

本紀

劉備說劉表襲許不能用

以通鑑脩

是

歲劉備三顧處士諸葛亮於隆中

以蜀書修

解題曰先主詣亮凡三往乃見因屏人曰漢室傾頽

姦臣竊命主上蒙塵孤不度德量力欲信大義於天

下而智術淺短遂用猖蹶至於今日然志猶未已君

謂計將安出亮答曰自董卓已來豪傑並起跨州連

郡者不可勝數曹操比於袁紹則名微而衆寡然操

遂能克紹以弱為強者非為天時抑亦人謀也今操已擁百萬之衆挾天子而令諸侯此誠不可與爭鋒孫權據有江東已歷三世國險而民附賢能為之用此可與為援而不可圖也荊州北據漢沔利盡南海東連吳會西通巴蜀此用武之國而其主不能守此殆天所以資將軍豈有意乎益州險塞沃野千里天府之土高祖因之以成帝業劉璋闇塞張魯在北民殷國富而不知存卹智能之士思得明君將軍既帝

室之胄信義著於四海總覽英雄思賢如渴跨有荆
益保其岩阻西和諸戎南撫夷越外結好孫權內脩
政理天下有變則命一上將將荊州之軍以向宛洛
將軍身率益州之衆出於秦川百姓孰敢不箪食壺漿
以迎將軍者乎誠如是則霸業可成漢室可興矣先
主曰善於是與亮情好日密餘見通鑑

漢晉春秋亮家於南陽鄧

縣襄陽二十里號曰隆中

蘇軾曰古之君子如伊尹太公管仲樂

毅之流其王霸之略皆定於畎畝中非仕而後學者也

諸葛孔明卧草廬中與先主論曹操孫權規取劉璋
因蜀之資以爭天下終身不易其言此豈口傳耳受
嘗試為之而僥倖其或成者哉

漢孝獻皇帝建安十三年春正月曹操作玄武池肄舟

師

以魏紀脩

解題曰水經注淇水又西逕魏武玄武故苑苑有玄

武池肄舟師

孫權擊黃祖斬之

以吳書脩

解題曰江夏宋鄂黃光蘄隨郢復七州德安府漢陽

信陽興國荊門四軍之地祖橫兩蒙衝

本作艨艟戰船也

挾

守沔口以拼閭大紮繫石為砥上有千人以弩交射

飛矢雨下軍不得進前偏將軍董襲與別部司馬凌

統俱為前部各將死士百人被兩鎧乘大舸突入蒙

衝裏襲以刀斷兩紮蒙衝乃橫流大兵遂進祖便開

門走兵追斬之餘見通鑑

通典黃祖屯沙羨縣即今鄂州水經注沔左有却月

城沙羨縣治黃祖所守董襲凌統攻之却月城乃今漢陽漢安陸縣地不應立沙羨縣然酈道元援襲統

為言者蓋建安四年孫策走黃祖於沙羨今鄂州也
十三年孫權破祖今漢陽也八年權破祖舟師惟城
未克沙羨城赤烏始築當時未有城則所謂城者却
月城也漢江夏郡在安陸縣東南往往祖為策殘破
之後竄伏江北故守沔口耳水經以却月城為
祖所守已得之而遂以為沙羨縣治則非也

夏六月罷三公官復置丞相御史大夫癸巳曹操自為

丞相以東西曹掾毛玠崔琰典選舉河內司馬勲為文

學掾

以魏傳脩

徵前將軍馬騰為衛尉其子超為偏將軍領

其衆

以列傳脩

秋七月曹操擊劉表

以本紀脩

解題曰按三國志列傳操

本文作太祖下同

將伐表問荀彧

策安出或曰今華夏已平南土知困矣可顯出宛葉間而間行以輕進掩其不意遂行會表死操直趨宛葉如或計餘見通鑑

八月壬子殺太中大夫孔融夷其族

以本紀脩

解題曰事見通鑑黃庭堅曰陳壽叙武侯躬耕隴畝好為梁甫吟語既不盡其意又失載此詩此蓋好簡之過余觀梁甫吟云步出齊城門遙望蕩陰里里有三墳累累正相似問是誰家冢田彊古冶氏力可

排南山文能絕地理一朝被讒言二桃殺三士誰能
為此謀相國齊晏子武侯蓋以曹公專國殺楊脩孔
融荀彧耳但云好為梁甫吟不知壽意所在豈既作
此詩時時為客歌之故云爾乎

劉表卒少子琮領荊州牧九月曹操至新野琮降劉備
走操追破之於長坂進軍江陵

以本紀
蜀書脩

解題曰諸葛亮說先主攻琮荊州可有備曰吾不忍
也餘見通鑑程頤曰孔明有王佐之才道則未盡王

者如天地之無私心焉行一不義而得天下不為孔
明必求有成而取劉璋聖人寧無成耳此不可為也

若劉表子琮將為曹公所并取而興劉氏可也

張栻曰亮

一見昭烈遂定取荆益之計蓋亮之心欲昭烈以興
復漢室為已任以興復為已任則天下諸侯內懷他
國者吾周得以正名而討之矣況琮之迎降於操則
荆固魏之荊州矣於以取之豈不正乎昭烈徇於小
不忍而妨大計故劉琮可取而不取及狼狽而遁雖
藉吳之力敗操赤壁然終迫於吳乃始入蜀以誦計
取之亮於此時蓋亦
有龜勉不得已者長阪在今荆門軍當陽江陵古

郢之南鄙今縣北十里汜南城故漢縣舊治於郢在

縣東南今治晉桓溫所築

冬十月癸未朔日有食之

本紀

劉備屯樊口遣諸葛亮求

救於孫權十一月曹操舟師東下備以權將周瑜迎擊

於赤壁大破之操走追至南郡弗及操留將軍曹仁等

守南郡瑜大破之於夷陵

以皇極經世吳書脩

解題曰按三國志列傳江表傳山陽公載記操

本文作太

祖下

破荊州欲順流東下賈翊諫曰公昔破袁氏今

收漢南威名遠著軍勢既大若乘舊楚之饒以享吏

士撫安百姓使安土樂業則可不勞衆而江東稽服

矣不從

裴松之曰於時韓馬之徒尚狼顧關右魏武不得安坐郢都以威懷吳會也彼荊州者孫

劉之所必爭荆人服劉主之雄姿憚孫權之武畧為日既久誠非曹氏諸將所能禦故曹仁守江陵敗不

旋踵何撫安之得行稽服之可期將此既平江漢威懾吳越資劉表水戰之具藉荆楚檣棹之手實廓定

之大機不乘此取吳將安俟哉至於赤壁之敗實由疾疫大興以損凌厲之鋒凱風自南以成焚如之勢

天實為之豈人事哉魏武後平張魯蜀中一日數十驚劉備雖斬之而不能止由不用劉曄之計以失席

卷之會世咸謂劉計為是則愈見賈言之非也魯肅請奉命吊表二子并慰

勞其軍中用事者及說備使撫表衆同心一意共治

曹操今不速往恐為操所先權遣肅行到夏口

夏水本江

之別自江陵東南流入沔謂之沔口又與沔水至魯山下會於江謂之夏口又謂之魯口宜在江北史言夏口多指鄂州按水經注黃鶴山夏口城孫權所築對岸則入沔津故城以夏口為名若然則自權築城後始取對岸之名名之傳者遂不聞曹公已向荊州曰城而曰夏口江北之名始晦矣

晨夜兼道北至南郡而琮已降曹公備惶遽奔走欲南渡江肅逕迎之到當陽長阪與備會騰權旨及陳江東疆固勸備與權并力備甚悅時諸葛亮與備相隨肅謂亮曰我子瑜友也即共交備遂到夏口亮曰事

急矣請奉命求救於孫將軍時權擁軍在柴桑

在今江州

彭澤縣

觀望成敗亮說權曰海內大亂將軍起兵據有

江東劉豫州收衆漢南與曹操並爭天下今操芟夷
大難畧已平矣遂破荊州威震四海英雄無所用武
故豫州遁逃至此將軍量力而取之若能以吳越之
衆與中國抗衡不如早與之絕若不能當何不按兵
束甲北面而事之今將軍外託服從之名而內懷猶
豫之計事急而不斷禍至無日矣權曰苟如君言劉

豫州何不遂事之乎亮曰田橫齊之壯士耳猶守義
不辱況劉豫州王室之胄英才蓋世衆士慕之若水
之歸海事之不濟此乃天也安能復為之下乎權勃
然曰吾不能舉全吳之地十萬之衆受制於人吾計
決矣非劉豫州莫可當操者然豫州新敗之後安能
抗此難乎亮曰豫州軍雖敗於長阪今戰士還者及
關羽水軍精甲萬人劉琦合江夏戰士亦不下萬人
操之衆遠來疲弊聞追豫州輕騎一日一夜行三百

餘里此所謂強弩之末勢不能穿魯縞者也故兵法
忌之曰必蹶上將軍且北方之人不習水戰又荊州
之民附操者偏兵勢耳非心服也今將軍誠命猛將
統兵數萬與豫州協規同力破操軍必矣操破必北
還如此則荊吳之勢強鼎足之形成矣成敗之機在
於今日權大悅袁曄曰張子布薦亮於權亮不肯留人問其故曰孫將軍可謂人主然觀
其度能賢亮而不能盡亮吾是以不留朱熹曹公兵
曰亮對面說得如說權一段辯士不及也
數十萬將士聞之皆恐權延見羣下問以計策咸曰

曹公豺虎也挾天子以征四方動以朝廷為辭今日
扼之事更不順且將軍大勢可以拒操者長江也今
操得荊州掩有其地劉表治水軍蒙衝鬪艦以千數
操悉浮以沿江兼有步兵水陸俱東此為長江之險
已與我共之矣而勢力衆寡又不可論愚謂大計不
如迎之

朱治傳權從兄豫章太守貢女為曹公子婦
公破荊州貢欲遣子入質治聞之求往見貢

為陳安危貢遂止當是時幾於親
戚叛之矣微瑜肅決定大計殆哉魯肅獨不言權起

更衣肅追於宇下權知其意執肅手曰卿欲何言肅

對曰向察衆人之議專欲誤將軍不足與圖大事今肅可迎操耳如將軍不可也肅迎操操當以肅還付鄉黨品其名位猶不失下曹從事乘犢車從吏卒交游士林累官故不失州郡也將軍迎操欲安所歸願早定大計莫用衆人之議也權嘆息曰諸人持議甚失孤望今卿廓開大計正與孤同此天以卿賜我也時周瑜受使至鄴陽肅勸追召瑜還瑜曰操雖託名漢相其實漢賊也將軍以神武雄才兼仗父兄之烈

割據江東地方數千里兵精足用英雄樂業尚當橫
行天下為漢家除殘去穢况操自送死而可迎之邪
請為將軍籌之使北土已安操無內憂能曠日持久
來爭疆場又能與我校勝負於船楫可乎今北土未
平加馬超韓遂尚在關西為操後患舍鞍馬仗舟楫
與吳越爭衡又今盛寒馬無藁草驅中國士衆遠涉
江湖之間不習水土必生疾病此數者用兵之患也
而操皆冒行之將軍擒操宜在今日瑜請得精兵三

萬人進往夏口保為將軍破之

呂蒙傳孫權與陸遜論曰孟德張言方率

數十萬衆水步俱下孤昔請諸將咨問所宜無適先對至子布文表俱言宜遣使脩檄迎之子敬即駁言不可勸孤急呼公瑾付任以衆逆而擊之則是設計拒操肅實發其端周瑜傳云權延見羣下問以計策瑜擺撥衆人之議獨言抗拒之計了不

及肅故裴松之直言其懷肅之善也

權曰老賊欲

廢漢自立久矣徒忌二袁吕布劉表與孤耳今數雄已滅惟孤尚存孤與老賊勢不兩立君言當擊甚與孤合此天以孤授君也拔刀斫前奏案曰諸將更敢復有言迎操者與此案同及會罷之夜瑜請見曰諸

人徒見操書言水步八十萬而各恐懾不復料其虛實便開此議甚無謂也今以實校之彼所將中國人不過十五六萬且已久疲所得表衆亦極七八萬耳尚懷狐疑夫以疲病之卒御狐疑之衆衆數雖多甚未足畏得精兵五萬自足制之願將軍勿慮權撫背曰公瑾卿言至此甚合孤心子布文表諸人各顧妻子挾持私慮深失所望獨卿與子敬與孤同耳此天以卿二人贊孤也五萬兵難卒合已選三萬人船糧

戰具俱辦卿與子敬程公便在前發孤當續發人衆
多載資糧為卿後援卿能辦之者誠決邂逅不如意
便還就孤孤常與孟德決之瑜程普為左右督與備

并力逆操

江表傳曰普頗以年長數陵侮瑜折節容下終不與校普後自敬服而親重之孫

皎傳呂蒙襲南郡權欲令皎與蒙為左右部大督蒙說權曰昔周瑜程普為左右部督共攻江陵雖事決於瑜普自恃久將且俱是督遂共不睦幾敗國事肅為贊軍校尉助畫方略

備住樊口日遣邏吏於水次候望權軍吏望見瑜船
馳往白備備遣人慰勞之瑜曰有軍任不可得委署

倘能屈威誠副所望備與關羽張飛曰彼欲致我不
往非同盟之意也乃乘單舸往見瑜問曰今拒曹公
深為得計戰卒有幾瑜曰三萬人備曰恨少瑜曰此
自足用豫州但觀瑜破之備欲呼魯肅等會語瑜曰
受命不得妄委署欲見子敬可別過之又孔明已俱
來不過三兩日到也於是與操遇於赤壁時操軍衆
已有疾病初一交戰操軍敗退引次江北瑜等在南
岸瑜步將黃蓋曰今寇衆我寡難與持久然觀操軍

方連船艦首尾相接可燒而走也乃取蒙衝鬪艦數十艘實以薪草膏油灌其中裏以帷幕上建牙旗先書報曹公欺以欲降又豫備走舸各繫大船後因引俱前曹公軍吏士皆延頸觀望指言盖降盖放諸船同時發火時風盛猛悉延燒岸上營落頃之烟炎張天人馬燒溺死者甚衆軍遂退敗

山陽公載記軍既得出公大喜諸將

問之劉備吾倚也但得計少晚向使早放火吾徒無類矣備尋亦放火而無所及公詭為此言所以安其

下之心也

操引軍從華容道

今江陵府監利石首縣地皆是也

步歸遇泥

寧道不通天又大風悉使羸兵負草填之騎乃得過

羸兵為人馬所踏藉陷泥中死者甚衆

李舜臣曰老瞞魂顛沛

頻死倘乘此之銳命一二將問道以要其歸路而周瑜輩繼以大兵懾之則彼衆可盡而操可生虜惜孫

劉之不知出此也

備之奔吳也論者以為權必殺備程昱料

之曰權新在位未為海內所憚曹公無敵於天下初

舉荊州威震江表權雖有謀不能獨當也劉備有美

名關羽張飛皆萬人之敵權必資之以禦我難解勢

分備資以成又不可得而殺也權果與備兵以禦操

本文作太祖

餘見通鑑

水經注參之江水左徑烏林南吳黃蓋敗魏武於烏林處右徑之赤壁

山北去鄂州九十里其北岸即百人山周瑜黃蓋詐魏武大軍所起處元和郡縣志赤壁在蒲圻縣一百二十里北岸即烏林但相去二百餘里兩軍共在一江既未退走而先敗其首後敗其尾於二百里之外恐無此理今詳焚舟之處實在赤壁曹公大敗之後周瑜劉備自後追之越二百里軍至烏林遂自華容步歸元和郡縣志洞庭湖口有曹公洲曹公於巴丘遇疾燒船歎曰郭奉孝在不使孤至此

十二月孫權圍合肥

以吳書脩

劉備徇武陵長沙桂陽零陵

下之以諸葛亮為軍師中郎將督三郡

以蜀書修

解題曰武陵今常德江陵澧辰沅岳靖七郡之地

漢孝獻皇帝建安十四年春三月曹操軍譙孫權還

以吳

書脩

秋七月曹操水軍自渦合肥屯田芍陂

解題曰事見通鑑水經肥水出九江成德縣廣陽鄉

西施水別北過其縣西北入芍陂注陂周一百三十

許里在壽春縣南八十里

芍音鵲壽春志芍陂在安豐縣東楚孫叔敖作陂而

百里周圍三百四十里灌壽春安豐民田萬頃東漢王景魏鄧父宋長沙王義欣並脩之魏劉馥開七門以溉田隋趙軌更開三十六門宋慶厯四年宋祁通開陶子午渠灌陂及皇祐元年呂公弼奏度鄆山龍穴兩源水利於甯口立陂木分水入陂

冬十二月操使將軍張遼守合肥而還

以魏書紀傳脩

周瑜克

南郡曹仁走孫權以瑜領南郡太守劉備表權行車騎

將軍領徐州牧權以備領荊州牧屯公安

以蜀書脩

解題曰按三國志李通傳劉備與周瑜圍曹仁於江

陵別遣關羽絕北道江表傳曹公聞瑜年少有美才

謂可游說動也乃密下揚州遣九江蔣幹往見瑜幹

有儀容才辯獨步於江淮之間乃布衣葛巾自託私

行詣瑜瑜出迎之立謂幹曰子翼良苦遠涉江湖為

曹公作說客耶幹曰吾與足下州里中年隔別遙聞芳烈故來叙濶并觀雅規而云說客無乃逆詐矣乎瑜曰吾雖不及夔曠聞絃賞音足知雅曲因延幹入為設酒食後三日請幹與周觀營中行視倉庫軍資器仗訖還飲宴視之侍者服飾珍玩之物因謂幹曰大夫處世遇知己之主外託君臣之義內結骨肉之恩言行計從禍福共之假使蘇張更生猶將撫其背而折其辭豈足下幼生所能移乎幹笑而不言還

稱瑜雅量高致非言辭所能間中州之士亦以此多
之劉備之自京口還也權乘飛雲大船追送之大宴會
叙別權與備留語因歎瑜曰公瑾籌畧萬人之英顧
其器量廣大恐不久為人臣耳瑜之破魏軍也曹公
曰孤不羞走後書與權曰赤壁之役值有疾病孤燒
船自退橫使周瑜虛獲此名瑜威聲遠著故曹劉咸
欲疑譖之蘇軾曰孟德所用皆為人役者也以子房
待文若然終不免殺之豈能用公瑾之流度外之士

哉

備立營改名公安油河在縣西九
十步出施州由松滋至縣入江

漢孝獻皇帝建安十五年春曹操下令求才

以魏紀脩

二月

乙巳朔日有食之

本紀

冬曹操作銅爵臺於鄴

以魏紀脩

解題曰魏武立三臺銅爵中臺也金虎南臺也冰井

北臺也左思魏都賦三臺列峙而崢嶸餘見建安九

年解題

十二月劉備見孫權於京口求督荊州

以蜀書皇極經世脩

周瑜

見孫權請取蜀及襄陽還卒於巴丘權以校尉魯肅領

其兵

以蜀書吳書
皇極經世脩

解題曰劉璋為益州牧外有張魯寇侵瑜詣京見權
曰今曹操新折衄方憂在腹心未能與將軍相事也
乞與奮威俱進取蜀得蜀而并張魯因留奮武固守
其地與馬超結援瑜還與將軍據襄陽以威操北方
可圖也權許之瑜還江陵為行裝而道於巴丘病卒
蜀傳權遣使欲共取蜀或以為宜報聽許吳終不能
越荆有蜀蜀地可為已有荆州主簿殷觀進曰若為
吳先驅進未能克蜀退為吳所乘則事去矣今但可
贊其伐蜀而自說新據諸郡未可與動吳必不敢越

我而獨取蜀如此進退之計可以收吳蜀之利從之

權果

輟計與地廣記吳巴丘邱閣資水沅水澧水湘

水注洞庭會

瑜病因上疏曰當今天下方有事役是

瑜乃心夙夜所憂願至尊先慮未然然後康樂今既

與曹操為敵劉備近在公安邊境密邇百姓未附宜

得良將以鎮撫之魯肅智畧足任乞以代瑜瑜隕踣

之日所懷盡矣即拜肅奮武校尉代瑜領兵瑜士衆

數千奉邑四縣皆屬焉肅初住江陵後下屯陸口

水

一名陸水自巴陵

入鄂州界至嘉魚入江水經注水

出下雋縣三山溪

東逕陸城又東逕下雋縣南故長

沙葛縣又逕蒲磯

西北入大江謂之刀環口又謂之蒲磯口

威恩大行衆增萬餘

人肅過尋陽令呂蒙屯下詣蒙酒酣蒙問肅曰君受

重任與關羽為隣將何計畧以備不虞肅造次應曰

臨時施宜蒙曰今東西雖為一家而關羽實熊虎也

計安可不豫定因為肅畫五策肅於是越席就之拊

其背曰子明吾不知卿才畧所及乃至於此遂拜蒙

母結友而別餘見通鑑

孫權以荊州借劉備分豫章為番陽郡長沙為漢昌郡

以吳
書脩

解題曰按魯肅傳曹公聞權以土地業備方作書落
筆於地唐庚曰漢荊州七郡劉表沒南陽入於中原
而荊州獨有南郡江夏武陵長沙桂陽零陵備之南
奔劉琦以江夏從之其後四郡相繼歸附於是備有
武陵長沙桂陽零陵之地曹仁既退關羽周瑜錯處
南郡而備領荊州牧居公安則六郡之地備已悉據
之矣其所以云借者猶韓信之言假也雖欲不予得

乎魯肅之議正合躡足之機而周瑜獨以為不然屢勝

之家果不可與料敵哉

諸葛亮始見劉備即論曹操不可與爭鋒孫權可為援而

不可圖魯肅一與權語亦謂曹操不可卒除惟有足江東以觀天下之勢曹操自赤壁北歸備既夙有雄名且新破大敵又得荊州人心權雖欲不割地授之不可也以操之智而膽破落筆亦可見其非計之誤矣權後論肅以借地為二短蓋夸衆之辭耳若孫策與周瑜則志大而才未必稱故策欲襲許以爭中原瑜欲取蜀以圖北方惟策可以用瑜瑜可以佐策策既隕瑜早亡使權終用之未必不敗事也策瑜雖人傑豈若備權之審於料敵亮肅之審於量主哉

番陽今饒州漢昌今岳之

平江州

劉備以從事龐統守耒陽令

以蜀書脩

孫權以番陽太守步

騭為交州刺史

以吳書脩

漢孝獻皇帝建安十六年春正月以曹操世子丕為五

官中郎將副丞相

以魏紀袁宏漢紀脩

三月曹操遣鍾繇討張魯

將軍韓遂馬超等十部反據潼關秋七月操討之九月

戰於渭南大破之遂超奔涼州

以魏紀脩

解題曰按三國志列傳司隸校尉鍾繇求以三千兵

入關外託討張魯內以脅取質任操

本文作太祖下同

使荀

或問衛覲覲以為西方諸將皆豎夫崛起無雄天下
意苟安樂目前而已今國家厚加爵號得其所志非
有大故不憂為變也宜為後圖若以兵入關中當討
張魯魯在深山道徑不通彼必疑之一相驚動地險
衆強殆難為慮或以覲議呈操操初善之而繇自典
其任遂從繇議兵始進關右大叛操自親征僅乃平
之死者萬計操悔不從覲議馬超遂與韓遂楊秋李
堪成宜等叛遣曹仁討之超等屯潼關

通典潼關在
華州華陰縣

即左傳桃林塞本名衝關河水自龍門南流衝激華山而東故名按秦函谷關漢弘農郡弘農縣在陝州靈寶縣界武帝徙於新安縣界獻帝初平二年出函谷關關在新安後二十年破馬超於潼關即是中間徙於今所史失之隋大業移於南北鎮去舊關四里唐天授二年移向北近河為路

操飭諸將

關西兵精悍堅壁勿與戰秋七月操西征與超等夾

關而軍操急持之而潛遣徐晃朱靈等夜渡蒲坂津

據河西為營操自潼關臨河先渡兵獨與虎士百餘

人留南岸斷後超將步騎萬餘人來奔操

本文作太祖下同

軍天下如雨操猶坐胡床不起張郃見事急共引操

入船軍爭濟船重欲沒校尉許褚斬板船者左手舉
馬鞍蔽操船工為流矢所中死褚右手平立沂船校
尉丁斐放牛馬以餌賊賊亂取牛馬操乃得渡循河
為甬道而南賊退拒渭口操乃多設疑兵潛以舟載
兵入渭為浮橋夜分兵結營於渭南賊夜攻營伏兵
擊破之超等屯渭南遣信求割河以西請和操不許
九月進軍渡渭超等數挑戰又不許固請割地求送
任子操用賈詡計偽許之韓遂請與操相見操與遂

父同歲孝廉於是交馬語移時不及軍事但說京都

舊故拊手歡笑

列傳操與遂超等單馬會語左右皆不得從惟將許褚超負其力陰欲前

突操素聞褚勇疑從騎是褚問曰公有虎侯者安在操顧褚褚目盼之超不敢動乃各散既罷超

等問遂操何言遂曰無所言也超等疑之他日操又

與遂書多所黥竄如遂改定者超等愈疑操乃與克

日會戰先以輕兵挑之良久乃縱虎騎夾擊大破之

斬成宜李堪等遂超走涼州楊秋奔安定餘見通鑑

冬十二月劉璋迎劉備使討張魯備與璋會於涪諸葛

亮及將軍關羽守荊州

以蜀書脩

解題曰龐統言於備曰荊州荒殘人物殫盡東有孫車騎北有曹操難以得志益州戶口百萬土沃財富誠得以為資大業可成也備曰今指與吾為水火者曹操也操以急吾以寬操以暴吾以仁操以譎吾以忠每與操反事乃可成耳今以小利而失信義於天下奈何統曰離亂之時固非一道所能定也且兼弱攻昧逆取順守古人所貴若事定之後封以大國何

負於信義今不取終為人利耳備以為然餘見通鑑
朱熹曰劉備當時無以為資若聲劉焉父子之罪而
討之名却正當但彼亦得人情恐未易取聖人處此
必有其道寧事之不成後世事欲苟成不暇顧理道
也

孔明始發荆益之謀蜀志稱龐統
法正為謀主不及亮者為之諱也

漢孝獻皇帝建安十七年春正月曹操還鄴自加殊禮

以本
紀脩

夏五月誅馬騰夷三族

本紀

六月庚寅晦日有食之

本紀

秋七月洧水潁水溢

本紀

解題曰水經潁水出潁川陽城縣

宋河南府永安縣

西北少

室山

水經注潁水三源右水出陽乾山之潁谷東南流中水導源少室通阜東南流東與右水合左

水出少室南溪東合潁水

東南過陽翟縣

今屬潁昌府

潁陽縣

屬河南府潁

陰縣

順昌府臨潁縣

臨潁

屬順昌府

汝南

屬蔡川縣

隱強縣

屬淮南府商水縣

北洧水東流注之又過西華

屬淮寧府

汝陽

淮寧府商水縣

南頓

在淮寧府

新陽至慎縣東南入於淮洧水出河南密縣

宋屬

鄭州

西南馬嶺山東南過其縣南又至鄭縣

鄭州新鄭縣

長

社

屬潁昌府

新汲茅城縣習陽城西折入於潁

九月孫權作石頭城自京口徙治建業作濡須塢

以吳書皇

極經世脩

解題曰濡須塢在今和州歷陽縣西南一百八十里

無為軍巢縣東南二百八里濡須水出巢湖夾水立

塢狀如偃月餘見建興元年東興解題事見通鑑

冬十月曹操擊孫權

以魏紀脩

侍中光祿大夫參丞相軍事

荀彧自殺

以列傳脩

解題曰袁暉獻帝春秋董承之誅伏后與父完書言

司空殺董承帝方為報怨完得書以示或或隱而不

言後恐事覺欲自發之因求使至鄴勸操

本文作太祖下同

以女配帝操曰今朝廷有伏后吾何以配上或曰

伏后無子性又凶邪往嘗與父書言辭愧惡可因此

廢也操曰卿昔何不道之或陽驚曰昔已嘗為公言

也操曰此豈小事而吾忘之或又驚曰誠未語公邪

昔公在官渡與袁紹相持恐增內顧之念故不言耳

操曰官渡事後何以不言或無對謝闕而已操以此

恨或而外含容之故世莫得知至董昭建立魏公之
議或意不同欲言之於操及齋璽書牒軍飲享禮畢
或留請問操知或欲言封事揖而遣之遂不得言或
卒於壽春壽春亡者告孫權言操使或殺伏后或不
從故自殺權以露布於蜀餘見通鑑楊時曰議者謂
曹公取漢於天下不取於漢其說非也曹公以強忍
之資因亂假義挾主威以令諸侯其包藏禍心天下
庸人知之矣荀或間關河冀從曹氏志欲扶義奮謀

以紓倒懸之急迹其行事可謂智勇兼人矣乃獨不知曹氏之無君乎其拒董昭之議豈誠有忠貞之節歟抑欲以晚節蓋之歟觀或臨大議斷大謀玩弄強敵於股掌之間輔成曹氏之霸業至其威加海內下陵上逼乃欲潛杜其不軌是猶揚瀾潰堤以成滔天之勢而後徐以一葦障之尚可得乎而范曄猶謂其有殺身成仁之美吾不知其說也

十二月有星孛於五諸侯

本紀

劉備攻劉璋據涪城

以蜀書脩

漢孝獻皇帝建安十八年春正月曹操軍濡須口尋還

以魏紀脩

庚寅并十四州為九州

以魏紀脩

解題曰冀荆豫雍揚兗青徐梁禹貢九州也漢改雍

曰涼梁曰益以職方之幽并併交州司隸為十三州

興平元年分河西為雍州為十四州按列傳操領冀

州牧或說宜復古置九州則冀州所制者廣大將從

之荀彧曰若是則冀州當得河東馮翊西河幽并之

地所奪者衆前日破袁尚海內震駭必人人自慮不

得保其土地守其兵衆也今使分屬冀州將皆動心
且人多說關右諸將以閉關之計今聞此以為必以
次見奪一旦生變雖有善守者轉相脅為非則天下
未易圖也願先定河北然後脩復舊京南臨荊州則
人人自安天下大定乃議古制遂寢至是天下畧平
故復行之獻帝春秋時幽并州并於冀州省司隸校尉涼州并為雍州省交州并荊州益州有
充豫青徐荆揚冀益雍也唐庚曰三桓諷魯作三軍合周禮其志
乃欲卑公室而奪之權曹操諷復九州合禹貢其志

乃欲廣冀州而益其地夫引經術據古誼者固未必
皆姦人而姦人之欲濟其邪謀者亦未嘗不援經術
而據古義要在乎察之而已

夏曹操徙濱江郡縣民東渡江

以列傳脩

五月丙申曹操自

為魏公加九錫

以本紀脩

劉璋遣將劉瑣等拒劉備皆敗圍

洛城

以蜀書脩

解題曰雒城今漢州雒縣

秋九月魏始建宗廟社稷

以魏紀脩

魏公操納三女為貴人

以魏紀脩

馬超據隴右自稱督涼州軍事

以呂祖謙標目脩

九月涼

州參軍楊阜攻馬超超奔張魯

以蜀書脩

冬魏公操議復肉

刑不克行

以魏紀脩

解題曰程迴曰古者養民以井田故禁民之非以肉

刑稱其情也後世養之不備故刑罰不輕於筆削救

時弊也若禮樂則有聖人之方策在焉事見通鑑

魏公操使曹仁屯樊

以魏傳脩

甲午漢孝獻皇帝建安十九年春馬超圍祁山征西將軍

夏侯淵走之進擊韓遂破之

以魏紀傳脩

三月魏公操位諸

侯王上

以魏紀脩

夏閏五月孫權取皖城以尋陽令呂蒙為

廬江太守

以吳書脩

諸葛亮與宜都太守張飛破巴郡會劉

備圍成都馬超降備克成都自領益州牧以亮為軍師

將軍署左將軍府事軍議校尉法正為蜀郡太守廣漢

太守許靖為左將軍長史亮政尚嚴

以蜀書脩

解題曰備分遣趙雲從外水定江陽犍為張飛定巴

西德陽江陽今瀘州巴西今閬州德陽今漢州德陽

縣外水蜀江也涪江自涪城至潼川與中江合過射
洪與梓潼江合過長江與郪水合東流至遂寧入合
州與嘉陵江合至重慶府與外江合謂之內水餘見
晉義熙八年伐蜀解題亮治頗傷嚴峻人多怨者法
正謂亮曰昔高祖入關約法三章秦民知德今君假
借威力跨據一州初有其國未垂惠撫且客主之義
宜相降下願緩刑弛禁以慰其望亮曰君知其一未
知其二秦以無道政苛民怨匹夫大呼天下土崩高

祖因之可以弘濟劉璋闇弱自馬已來有累世之恩
文法羈縻互相承奉德政不舉威刑不肅蜀土人士
專權自恣君臣之道漸以陵替寵之以位位極則賤
順之以恩恩竭則慢所以致敝實由於此今吾感之
以法法行則知恩限之以爵爵加則知榮榮恩並濟
上下有節為治之要於斯而著矣

蜀傳諸葛亮法正
劉巴李平伊籍共

造蜀科蜀科之
制由此五人

餘見通鑑朱熹曰孔明之學大抵出

於申韓

秋七月魏公操擊孫權留少子臨淄侯植守鄴

以魏書紀傳修

解題曰按植傳使植留守戒之曰吾昔為頓丘今年二十三思此時所行無悔於今今汝年亦二十三矣可不勉歟植既以才見異丁儀等為之羽翼幾為太子者數矣餘見通鑑

冬十月夏侯淵圍宗建於枹罕斬之

以本紀魏書脩

解題曰枹罕縣屬金城郡今屬河州

十一月魏公操廢皇后伏氏滅其族殺皇子二人

以本紀脩

漢孝獻皇帝建安二十年春正月甲子立貴人曹氏為

皇后

以本紀脩

省雲中定襄五原朔方郡為新興郡

以魏紀脩

三

月魏公操擊張魯夏四月出散關

解題曰散關在鳳翔府寶雞縣西今隸鳳州梁泉漢

高祖引兵從故道曹操出散關周伐蜀後唐郭宗韜

取鳳州石敬瑭伐蜀後周王璟趨秦州宋初伐蜀皆

出入此道

五月西平諸將斬送韓遂首

以魏紀脩

孫權求荊州諸郡於

劉備備不從權乃遣呂蒙取長沙桂陽零陵備拒之公安既而求和分荊州以湘水為界

以吳書通鑑日錄脩

解題曰按蒙傳蒙移書二郡望風歸服惟零陵太守郝普城守不降而劉備自蜀親至公安遣關羽爭三郡權時住陸口使魯肅萬人屯益陽拒備肅書召蒙捨零陵急還助肅初蒙既定長沙過酈載鄧玄之玄之者普之舊也欲令誘普及被書蒙秘之夜召諸將授以方略晨當攻城顧謂玄之曰郝子太閒世間有

忠義事亦欲為之而不知時也左將軍在漢中為夏侯淵所圍關羽在南郡今至尊身自臨之彼方首尾倒懸救死不給豈有餘力復營此哉今吾計力度慮以攻此曾不移日城必破城破之後身死何益於事而令百歲母戴白受誅度此家不得外問謂援可恃故至此耳君可見之為陳禍福玄之見普具宣蒙意普懼而聽之普出蒙迎執其手與俱下船語畢出書示之因拊手大笑普見書知備在公安羽在益陽慙

恨入地蒙之詐郝普即他日之所以詐關羽者也餘

見通鑑

秋七月魏公操破張魯陽平屯魯奔巴中操以夏侯淵

及將軍張郃守漢中而還

以魏書紀傳脩

解題曰水經沔水又東逕白馬戍南沔水入焉注白

馬城一名陽平關沔水南流入沔謂之沔口在興元

府西去府六十里有白馬山按魏志操

本文作太祖下同

征

張魯軍食頗乏操自引歸令劉熉督後諸軍使以次

出煜策魯可克加糧道不繼雖出軍猶不能皆全馳
白操不如致攻遂進兵多出弩以射其營魯走漢中
遂平煜進曰劉備人傑也有度而遲得蜀日淺蜀人
未附也今破漢中蜀人震恐其勢自傾以公之神明
因其傾而壓之無不克也若小緩之諸葛亮明於治
而為相關羽張飛勇冠三軍而為將蜀民既定據險
守要不可犯矣今不取必為後憂居七日蜀降者說
蜀中一日數十驚備雖斬之不能安也操問煜曰今

尚可克否煜曰今已小定不可擊也遂還餘見通鑑

蘇轍曰曹公欲順江東下取孫氏賈詡陳公威名遠聞若因舊楚之饒以享吏士江東可以不勞衆而定也公不用其計遂敗於赤壁夫詡之所以說曹公即李左車之所以說淮陰侯使乘破趙之勢傳檄以下燕者也方是時孫氏之據江東已三世矣國險而民附賢材為用而曹公以劉琮待之欲一舉而下之孰謂曹公之智而不如淮陰哉其後既降張魯下漢中劉煜勸公乘勝取蜀公不從而反天下皆惜煜之不用夫玄德之賢過於仲謀賈詡欲以文告懷仲謀而煜欲以虛聲下玄德其愚智蓋已遠矣曹公不用計豈非以詡言為戒也哉

八月孫權圍合肥張遼走之

以吳書脩

解題曰孫權之所以能成鼎峙之勢者赤壁之捷也所以不能成混一之功者合肥之敗也方曹操之入漢中權舉十萬之衆於合肥乃困於張遼數百人之鋒幾不自脫英雄之氣索盡無餘故自是專為保守之規而無復北方之志矣越二年操攻濡須則甘心請降又二年操使襲關羽則願立功自効其後雖數舉兵不過侵掠邊境無進取之謀逮明帝即世之後魏已多故殷劄勸之大舉權終不能用也孫策謂權

能保守江東而魯肅勸以王業亦不過竟長江而止
彼固知其分量之所限哉事見通鑑

九月巴賓降

以魏紀修

解題曰今渠州古巴國故賓國城在渠江縣東北七
十四里廩君子孫秦為黔中郡薄其賦稅人出錢四
十謂賦為賓遂名

冬十月始置名號侯以賞軍功

以魏紀脩

解題曰按魏志始置名號侯至五大夫與舊列侯別

內侯凡六等

通典魏黃初三年初制封王之庶子為鄉公嗣王庶子為鄉侯公之世子為亭

伯其後定制凡國王公侯伯子男六等次縣侯次鄉侯次亭侯次關內侯又置名號侯爵十八級關中侯

爵十七級關外侯十六級五大夫十五級裴松之以為今之虛封蓋自此始

十一月張郃徇三巴巴西太守張飛大破之

以蜀書脩

解題曰按飛傳郃督諸軍下巴西欲徙其民於漢中

進軍宕渠

今渠州沅江縣東北七十里有漢故城

蒙頭盪石與飛相拒

五十餘日飛率精兵從他道邀郃軍交戰山道窄狹

前後不得相救遂破郃

沅江縣東北七里有八蒙山起伏八處常有烟霧蒙其上

張郃進軍宕渠蒙頭飛從他道邀郃即蒙山也

郃棄馬緣山獨與十餘人從

間道退引還軍南鄭餘見通鑑

譙周巴記建興六年劉璋分巴郡墊江以

上為巴

西郡

漢孝獻皇帝建安二十一年夏四月甲午魏公操自進

王爵

以本紀脩

魏王操殺中尉崔琰廢尚書僕射毛玠

以魏傳脩

五月己亥朔日有食之

本紀

秋七月南單于呼厨泉來朝

魏王操留之鄴使右賢王監其國分其衆為五部

以魏紀脩

解題曰魏武分其衆為五部以於扶羅子左賢王豹

左部帥選漢人為司馬監督之其餘部帥皆以漢人

為之魏末復改帥為都尉其左部所統可萬餘落居

太原茲氏

今汾州孝義縣南二十五里有左部城水經注汾水之右有右部城

左部可

六千餘落居祁

今太原祁縣

南部可三千餘落居蒲子

今隰

州隰縣

北部可四千餘落居新興

漢末初立郡今嵐州忻州

中部可

六千餘落居大陵

今太原府文水縣

劉氏雖分居五部然皆

家於晉陽汾澗之濱

冬十月魏王操擊孫攢

以魏紀脩

是歲嚴才攻魏王操於鄴

不克

以魏傳脩

解題曰按王脩傳脩為奉常嚴才反與其徒屬數十人攻掖門脩聞變召車馬未至便將官屬步至宮門

操

本文作太祖

在銅爵臺望見之曰彼來者必王叔治也

相國鍾繇謂脩舊京城有變九卿各居其府脩曰食其祿焉避其難居府雖舊非赴難之義按鍾繇以是

年為相國故繫於其後

唐高宗謂郝處俊曰朕嘗以秦法猶為太寬荆軻匹夫耳

已首竊發始皇駭懼莫有救者豈不由積習寬慢使然乎對曰此由法急所致非寬也上曰何以知之對

曰秦法輒升殿者夷三族人皆懼族安有敢拒者魏武法尚峻嚴才攻左掖門魏武遠望無敢救者王脩為奉常聞變召車馬未至便將官屬步至宮門此由脩察變知機呂祖謙曰觀此則知中韓之害後世不少矣然中韓之言且曰使人不忍欺不如使人不敢欺不忍欺在人不敢欺在我所以立法用刑皆尚嚴峻殊不知以法服人外若密而中實疎以德結人外若疎而中實密

漢孝獻皇帝建安二十二年春二月魏王操攻濡須三

月還孫權請降

以魏紀脩

夏四月魏王操設天子旌旗出入

警蹕

以魏紀脩

冬十月魏王操冕十二旒乘金根車

以魏書本紀脩

解題曰十七年春詔操贊拜不名加殊禮十八年夏

封魏公加九錫十九年春位諸侯王上二十一年進
王爵二十二年夏天子旗旄出入警蹕是冬冕十有
二旒乘金根車

魏王操立子丕為太子

以魏紀脩

解題曰丕

本文作文
帝下同

為五官將植有奪宗之議丕使

人問賈詡自得之術詡曰願將軍朝夕孜孜不違於

道如此而已丕從之深自砥礪操

本文作太
祖下同

又嘗屏

除左右問詡詡默然不對操曰與卿言而不答何也

詡曰屬有所思故不即對耳操曰何思詡曰思袁本
初劉景升父子也操大笑太子遂定餘見通鑑呂祖
謙曰詡之委曲調護可謂得其道矣若使居漢武帝
唐太宗隋文帝父子之間則必無廢立之禍大抵惟
賢人君子之言有利而無害若游談捭闔之士言而
善則其利固大若其不善則害不細如詡不過游談
之士偶能辯此耳詡勸董卓之黨攻城殺王允漢由
此亡今於魏父子危疑之時乃能調護如此是亡漢

者由詡之一言存魏者亦由詡之一言使詡能以其
說操者說催等散兵歸農則漢之社稷不亡而詡亦
得為全人矣

劉備進兵漢中魏王操遣將軍曹洪拒之

以魏紀脩

孫權漢

昌太守魯肅卒以左護軍呂蒙代之

以吳書脩

孫權使校尉

陸遜平山越部伍其民

以吳志呂祖謙標目脩

漢孝獻皇帝建安二十三年春正月太醫令吉本少府

耿紀等起兵於許謀誅魏王操不克夷三族

以本紀袁宏漢紀脩

三月有星孛於東方

本紀

夏四月代郡上谷烏桓反魏王

操使其子彰行車騎將軍討之

以魏紀脩

解題曰裴潛為魏郡太守北邊大震百姓歸心三年

還為丞相理掾操

本文作太祖下同

褒稱治代之功潛曰潛

於百姓雖寬於諸胡為峻今繼者必以潛為理過嚴

而事加寬惠彼素驕恣過寬必弛既弛又將攝之以

法此訟爭所由生也以勢料之代必復叛於是操深

悔還潛之速後數十日三單于反問果至餘見通鑑

後魏陸侯為懷荒鎮大將未暮高車諸莫弗訟侯嚴
急無恩請還前鎮將郎孤世祖徵侯還既至曰陛下
今以郎孤復鎮不過周年必敗世祖怒明年諸莫弗
果殺郎孤而叛世祖即召侯問其知敗之意侯曰高
車上下無禮之人難為其上臣所以莅之以威嚴節
之以憲網欲漸加訓導使知分限而惡直醜正實繁
有徒故訟臣無恩稱孤之美孤獲還鎮欣其名譽必
加恩於百姓譏臣為失專欲以寬惠治之仁恕待之

無禮之人易生陵傲不過暮年無復上下然後收之以威則人懷怨懟敗亂彰矣世祖曰卿身乃短慮何長也事正類此

劉備屯陽平關秋七月魏王操擊之九月還長安

以魏紀脩

解題曰備屯陽平關夏侯淵率諸將拒之備遣陳式

等十餘營絕馬鳴閣道

寰宇記今利州昭化縣有馬鳴閣道太平御覽云在益昌

縣

徐晃別征破之操聞甚喜假晃節令曰此閣道漢

中之咽喉也劉備欲斷絕外內以取漢中將軍一舉

克奪賊計善之善者也遂自至陽平引出漢中諸軍

餘見通鑑

曹彰擊烏桓大破之

以魏傳脩

冬十月宛守將侯音反魏王

操使曹仁討之

以魏紀脩

漢孝獻皇帝建安二十四年春正月曹仁斬侯音

以魏傳呂

祖謙標

目修

劉備大敗夏侯淵於定軍山斬之張郃走

以魏書紀

修傳

解題曰劉備屯陽平郤屯廣石備以精兵萬餘分為

十部夜急攻郃郃率親兵搏戰備不能克其後備於
走馬谷燒都圍淵救兵從他道與備相遇交戰短兵
接刃淵遂沒餘見通鑑吳之立國者赤壁一戰也蜀
之立國者漢中一戰也

定軍山在今興元府西縣南十五里有八陣圖諸葛亮葬

於此

二月壬子晦日有食之

本紀

三月魏王操出斜谷與劉備

相持於平陽夏五月還長安

以魏紀脩

徙武都氏於扶風天

水

以通鑑列傳脩

解題曰操

本文作太祖下同

將拔漢中守恐備北取武都氏

以逼關中問雍州刺史張既既曰可勸使北出就穀
以避賊前至者厚其寵賞則先者知利後必慕之操
從其策乃自到漢中引出諸軍令既之武都徙氏五
萬餘落出居天水扶風界葉適曰漢魏之際匈奴氏
羗皆居內地北於漢宣成於魏武張既設策當時方
以為快不以為虞也使魏稍傳世未亡則諸胡之禍
親自當之何待晉哉

劉備取房陵上庸秋七月劉備即漢中王位於沔陽立
子禪為太子以將軍魏延為都督鎮漢中備還治成都
以許靖為太傅將軍法正為尚書令關羽為前將軍張
飛為右將軍馬超為左將軍黃忠為後將軍

以蜀
書脩

解題曰按三國志列傳平西將軍都亭侯臣馬超等
一百二十人上言曰陛下遭厄運不造之艱董卓首
難蕩覆京畿曹操階禍竊執天衡皇后太子鳩殺見
害剥亂天下殘毀民物左將軍領司隸校尉豫荆益

三州牧宜城亭侯備觀其機兆赫然奮發與車騎將軍董承同謀誅操將安國家克寧舊都會承不密令操遊魂得遂長惡殘泯海內臣等以備肺腑枝葉宗子藩翰而爵號不顯非所以鎮衛社稷光昭萬世也輒封備漢中王拜大司馬餘見通鑑劉備亦上言云臣昔與董承同謀討操機事不密承見陷害臣播越失據夫名其為賊敵乃可服兵出無名事故不成此高祖所以為義帝發喪也備之謀誅操名義正矣其

能昂據天下蓋亦藉此為楨幹爾房陵今房州竹山

縣古庸國

輿地廣記今興元府西縣本沔陽縣有故城在西蕭何所築劉備即位在此

孫權攻合肥

以吳書脩

關羽攻曹仁於樊魏王操使左將軍

于禁等攻之八月大霖雨漢水溢禁降羽圍樊襄陽魏

王操遣將軍徐晃救之

以魏書紀傳脩

九月丞相西曹掾魏諷

謀襲鄴事泄誅

以魏紀袁宏漢紀脩

冬十月魏王操還雒陽

以魏紀脩

關羽威震華夏魏王操議徙都以避之軍司馬司馬懿

請封孫權使討羽從之

以魏書吳書脩

解題曰孫權遣使辭以遣兵西上欲掩取羽江陵公

安累重羽失二城必自奔走樊軍之圍不救自解乞

密不漏令羽有備操

本文作太祖

誥羣臣咸言宜當密之

董昭曰軍事尚權期於合宜宜應權以密而內露之

羽聞權上若還自護圍則速解便獲其利可使兩賊

相對銜持坐待其弊祕而不露使權得志非計之上

又圍中將吏不知有救計糧怖懼倘有他意為難不

小露之為便操曰善即勅徐晃以權書射著圍裏及

羽屯中圍裏聞之志氣百倍羽聞南郡破即走南還
曹仁會諸將議咸曰今因羽懼可追擒也趙儼曰權
邀羽連兵之難欲掩制其後顧羽還救恐我乘其兩
疲故順辭求救乘釁因變以觀利鈍耳今羽已孤迸
更宜存之以為權害若深入追北權則改虞於彼將
生患於我矣王必以此為深慮仁乃解嚴操聞羽走
恐諸將追之果疾敕仁如儼所策餘見通鑑當權之
以土地業備也操方作書落筆於地則權之搆隙於

備固操之所甚欲也羽之傲桀肆侮誠有不可堪者然同盟之國也無故而為讐敵獨不慮卞莊子之乘其利乎權規取羽乞密勿漏而故漏之使自相持羽走南還其勢可擒而故縱之以為權害是操之舉措無一不得機便而權則囿其術中而不自知也既憂蜀又憂魏君臣上下岌若不可保呂蒙號為學問開益而計謀乃如此史方稱其擒羽之妙陳壽有知其猶在君子之後乎

呂蒙稱病還權以陸遜鎮陸口蒙襲公安江陵降之
救曹仁將軍徐晃擊羽破之權至江陵羽走權追斬之
蒙卒權以將軍朱然鎮江陵操表權為驃騎將軍領荆
州牧封南昌侯權上書臣操

以魏書
吳書脩

解題曰按魏畧權上書稱臣稱說天命王以權書示
外曰是兒欲踞吾着爐火上邪侍中陳羣拒階奏曰
漢自安帝已來政去公室國統數絕至於今者惟有
名號尺土一民皆非漢有期運久已終非適今日也

是以桓靈之間諸明圖緯者皆言漢行氣盡黃家當

興

後漢多言圖緯皆起於光武

殿下應期十分天下而有其九以

服事漢羣生注望遐邇怨嘆是故孫權在遠稱臣此
天人之應異氣齊聲臣愚以為虞夏不以謙辭殷周
不吝誅放畏天知命無所與讓也魏氏春秋夏侯惇
謂王曰天下咸知漢祚已盡異代方起自古以來能
除民害為百姓所歸者則民主也今陛下即戎三十
餘年功德著於黎庶為天下所依歸應天順民復何

疑哉王曰施於有政是亦為政若天命在吾吾為周

文王矣餘見通鑑

漢孝獻皇帝延康元年

漢昭烈皇帝二年
魏高祖丈皇帝曹丕黃初元年

春正月庚子魏王操薨於洛陽子丕嗣位於鄴改元

魏

書紀通鑑
舉要歷脩

二月丁未朔日有食之

以通鑑脩

壬戌魏王丕以

太中大夫賈詡為太尉御史大夫華歆為相國大理王

朗為御史大夫

以魏志脩

解題曰陳亮曰當曹公之末年天下無復為異者矣

及文帝山陽之際雖朗等皆以為真受命也是以甘心相之而無愧色不然身為一時儒宗豈其無恥至

此乎然則吳之自立其亦差強人意也哉

荀勗別傳

武帝問其人於勗答曰三公具瞻所歸不可用非其人昔魏文帝用賈詡為三公孫權笑之則詡之人品可知矣史以為良平之亞何哉

魏王丕貶其弟植為安鄉侯

以呂祖謙標目脩

魏宦官不得過

諸署令

魏書紀脩

魏尚書陳羣立九品官人法州郡置中正

以通鑑目錄脩

解題曰通典陳勝為楚王朱房為中正而不言職事
陳羣以天臺選用不盡人才擇州郡之才優有昭鑑
者除為中正自拔人才銓定九品州郡皆置吳有大
公平亦其任也晉有大小中正夫中正之法貴土著
而攷才行猶有鄉舉里選之遺意然行之數百年卒
至大弊者由其出於私情而不參之公論也成周賓
興之法自五比為閭則書其敬敏任恤而知其質之
美自四閭為族則書其孝弟睦婣有學行者而知其

學之粹至於德行道藝之成則黨正書之州長攷之
然後於大比之歲鄉老及鄉大夫帥其史以禮賓之
夫舉之不專於一人而必參之以衆見所以酌公論
而審人才也人才者天之所付而以公天下之用選
才者公舉而公用之然後不失籲俊尊帝之意中正
之法正由主於一人之私而不參衆人之論是以法
弊而不可用餘見晉太康五年解題

黃龍見譙

以本紀脩

三月漢改元

以本紀脩

夏五月魏張掖酒泉

反尋平

以通鑑舉要歷脩

六月庚午魏王丕南狩

以魏本紀脩

孫權

貢於魏

以通鑑脩

漢漢中將軍孟達以上庸降魏

以魏書脩

秋七

月魏王丕設伎樂百戲大享於譙

以魏紀脩

解題曰按宋書五行志魏文帝居諒闇之始數出遊

獵體貌不重風尚通脫故戴凌以直諫抵罪鮑勛以

忤旨極刑天下化之咸賤守節而晉傳玄亦謂魏丈

帝慕通達而天下賤守節故一變而為正始之玄虛

再變而為阮籍之放達迄乎晉遂以清談亡國

冬十月庚午魏王丕自即皇帝位於繁陽改元十一月

癸酉廢漢帝為山陽公

以魏書脩

解題曰按魏氏春秋帝升壇禮畢顧謂羣臣曰舜禹之事吾知之矣餘見通鑑宋庠紀年通譜魏以土承火故改元黃初以承其運通王莽更始二漢合四百二

十六年

三國志列傳魏受禪遣使求璽綬曹皇后怒不與如此數輩乃呼使者入親數讓之以璽

抵軒下因涕泣橫流曰天不祚爾左右皆莫能仰視絕與元皇后相類按華嶠譜叙劉義慶世說新語文帝受禪陳羣有底容帝問曰我應天受命百辟莫不說喜而相國華歆及公獨不怡何耶羣對曰臣與相

國皆事漢朝心雖說喜義干其色亦懼陛下實應見
憎帝大說歎息良久蓋歆之情雖未可知若羣則說
勸操受命者也今睹禪代而不怡此故為矯飾以
蓋其大不忍耳異乎徐廣之所以對謝晦者矣

追尊皇祖考妣為帝后考武王為武皇帝尊母王太后

曰皇太后改相國為司徒御史大夫為司空三公不與

政郡縣多所改易

以魏書
紀傳脩

解題曰曹氏篡漢專以智術防患創立法制每欲徵
漢之弊宦寺不得過諸郎署懲預政之禍也羣臣不
得奏事東宮懲臨朝之患也外戚不得封侯輔政懲

擅朝之害也。至於變異不効，三公選舉不拘年齒類，皆深懲往事。漢世戚宦用事，而賢人君子不得以行其志政。以事權不出於三公故也。而魏代三公之官復不得參預朝政。夫三公無所不統，故緩急有所倚仗，而姦臣無坐移國柄之憂。曹氏自恃智術足以雄長一世，忽之而不慮，故禍變之來，潛伏於立國之初，不一再傳而事權盡歸司馬氏。三公不聞正色於朝，以折奸萌者，勢使然也。唐庚曰：漢初置丞相御史府。

後置三公府將帥出征置幕府軍罷即廢不常置也
魏既置三公而司馬懿等並為大將軍開府京師此
何理耶公室之卑自此始矣蜀將李平聞懿等開府
辭召以說孔明孔明鄙之

十月魏初營洛陽宮戊午魏主如洛陽

以通鑑脩

解題曰裴松之按諸書紀是時帝居北宮以建始殿
朝羣臣門曰承明陳思王植詩謁帝承明廬是也至
明帝時始於漢南宮崇德殿處起太極昭陽諸殿

大事記續編卷二十